

AZ.
III



~~XXIX~~ N. 83 83
E 8 8
82 70 45 46





UNIVERSAE DISCIPLINAE
ELEMENTA
IN USUM
SCHOLARUM REGNI NEAPOLITANI.
ELECTA CLASSICORUM LATINORUM.

2000

PHAEDRI
LIBERTI AUGUSTI
FABULARUM AESOPIARUM

LIBRI QUINQUE

Accedunt illae a GUDIO editae

CUM NOTIS

IN USUM

SCHOLARUM REGNI NEAPOLITANI

INFIMAE LATINITATIS.

TOMUS TERTIUS.



NEAPOLI
Ex typis ANGELI TRANI.

1812.





DE AETATE PHAEDRI

Ex Ger. Joannis Vossii de Poetis Latinis.

SUB Tiberio vixit PHAEDRUS Augusti Caesaris libertus, et qui se Augustum dicat vidisse jus dicentem, et Bathyllum Clinii Mecoenatis libertum saltantem. Reliquit quinque libros *Fabularum Aesopicarum* iambicis conscriptos. Antiquissimus, qui earum meminit, est Avienus praefatione in *Fabulas Aesopicas* ad Theodosium Macrobius. Nec mirum adeo non meminisse Senecam, ubi loquitur de *fabularum Aesopicarum* Scriptoribus. Nam de Romanis loquitur: hic se Thracem praedicat.



PHAEDRI LIBERTI AUGUSTI *
FABULARUM
 LIBER PRIMUS.

PROLOGUS.

AEsopus (1) auctor quam materiam repperit (2),
 Hanc ego polivi versibus senariis (3).
 Duplex libelli dos est (4), quod risum movet,
 Et quod prudenti vitam consilio monet (5):
a 3 5 Ca-

(*) *Augusti liberti.* Phaedrum alii Augusti, alii libertum Tiberii fuisse volunt.

(1) *Aesopus.* Constat Aesopum Philosophum, fabularum auctorem, natione Phrigem, conditione servum, tempore Croesi Lydorum regis floruisse.

(2) *Repperit.* Fabulas primus invenit Aesopus, inventas polivit Phaedrus.

(3) *Versibus senariis.* Quos Phaedrus senarios scripsit, medio quodam temperamento sunt inter accuratam veterum Graecorum diligentiam, et comicorum latinorum negligentiam.

(4) *Libelli dos.* Pretium, utilitas. Alii legunt, *mos*, idest *libelli indoles*. Utrumque placet.

(5) *Consilio monet.* Est fabularum aliquid monere de moribus. Duo verba vero *movet*, et *monet* in extremo versuum posita, nescio quid habeant concinnum cum significatione, tum ipso sonitu verborum.

- 6 *Phaedri Fabularum*
5 Calumniari (1) si quis autem voluerit,
Quod arbores (2) loquantur, non tantum ferae,
Fictis jocari nos meminerit fabulis (3).
-

F A B U L A I.

LUPUS, ET AGNUS

AD RIVUM.

- Ad rivum eundem Lupus, et Agnus venerant,
Siti compulsi: superior stabat Lupus,
Longeque inferior Agnus: tunc fauce improba (4)
Latro (5) incitatus jurgii causam intulit (6),
5 Cur, inquit, turbulentam fecisti mihi
Istam bibenti? Laniger contra timens,
Qui possum, quaeso, facere, quod quereris, Lupe?
A te decurrit ad meos haustus liquor (7).
Repulsus ille veritatis viribus,

10

(1) *Calumniari*. Vertere aliquid vitio per *calumniam*, scilicet malitiosam interpretandi rationem: est enim *calumniā* in jure, callida, et malitiosa juris interpretatio.

(2) *Arbores*. Quum Noster arbores loqui nusquam faciat, pluscula Phaedri nonnulli putant intercidisae.

(3) *Fictis fabulis*. Infra dicit *fictis jocis*.

(4) *Fauce improba*. Acri lupi fame, quam *improbam ventris rabiem* appellat Virgilius Aen. II.

(5) *Latro*. Raptor quoque a Virgilio dicitur lupus.

(6) *Jurgii causam intulit*. *Causam inferre* est aliquid causari, causam aliquam praetendere, quod *crimini inferre* dixit quoque Auctor ad Heren.

(7) *Ad meos haustus*. Ad me bibentem.

Liber Primus.

- 10 Ante hos sex menses (1) male, ait, dixisti mihi (2).
Respondit Agnus: Equidem natus non eram.
Pater hercule tuus, inquit, maledixit mihi.
Atque ita correptum lacerat injusta nece.
Haec propter illos scripta est homines fabula,
15 Qui fictis causis (3) innocentes opprimunt.

F A B U L A II.

RANAE REGEM PETENTES.

Athenae cum florerent (4) aequis legibus (5),
Procax libertas (6) civitatem miscuit (7),
Frenumque solvit pristinum licentia (8).
Hinc conspiratis (9) factionum partibus,
a 4 5 Ar-

(1) *Hos sex menses.* Elegantissime: innuit enim tempus proxime elapsum.

(2) *Male, ait, dixisti.* Idest conviciis injuriam fecisti. Tmesis elegantissima.

(3) *Fictis causis.* Causae hic veniunt crimina.

(4) *Florerent.* Verbum elegans ad indicandum rei publicae vigorem.

(5) *Aequis legibus.* Idest non modo non iniquis, sed ita a Solone latis, ut cives fecerit equales, quam *ισονομίαν* Graeci, *aequalitatem juris* appellat Cic. 1. 70. de Off.

(6) *Procax libertas.* *Procax* proprie petax est. Nam *procare* est petere, Servius ad lib. I. Aen. *Procax* itaque libertas est, quae nempe suo, ac praesenti haud contenta, semper plura expetit, et aliena, neque unquam satiatur.

(7) *Miscuit.* Turbavit.

(8) *Licentia.* Ablativo casu.

(9) *Conspiratis.* Invicem excitatis factionum partibus.

- 5 Arcem tyrannus occupat (1) Pisistratus.
 Quum tristem servitutem flerent Attici,
 Non quia crudelis ille, sed quoniam grave
 Omnino insuetis (2) onus, et coepissent queri:
 Aesopus talem tum fabellam rettulit.
- 10 Ranae vagantes liberis paludibus (3),
 Clamore magno regem petiere a Jove.
 Pater Deorum risit, atque illis dedit
 Parvum tigillum (4); missum quod subito vadis
 Motu sonoque terruit pavidum genus.
- 15 Hoc mersum limo quum jaceret diutius,
 Forte una tacite profert e stagno caput,
 Et explorato rege (5) cunctas evocat.
 Illae timore posito certatim adnatant,
 Tignumque supra turba petulans insilit (6):
- 20 Quod quum inquinassent omni contumelia (7),
 Alium rogantes regem misere (8) ad Jovem,
 Qui dissolutos mores vi compesceret,
 Inutilis quoniam esset, qui fuerat datus.
 Tum misit illis hydrum (9), qui dente aspero.

25 Cor-

(1) *Arcem occupat.* Dominationem: nam arx proprie est tyranni sedes, teste Asconio.

(2) *Insuetis.* Verbum quadrisyllabum.

(3) *Liberis paludibus.* Ab imperio regis immunibus.

(4) *Parvum tigillum.* Est solemne latinis, quo rei exiguitatem magis exprimant, ipsis diminutivis aliquid deterius addere. Sic *pisciculos minutos* Ter. *minutis interrogatiunculis* Cic. *naviculam parvam* Caes. *parvulis filioliis* Val. Max. *parvum libellum* Phaed.

(5) *Explorato rege.* Curiose inspecto rege ligneo.

(6) *Insilit.* Per ludibrium.

(7) *Omni.* Idest omnis generis.

(8) *Misere.* Proprie de legatis, et oratoribus: *miserunt Delphos consultum.* Corn. Nep. in Milt.

(9) *Hydrum.* *Hydrus* anguium genus aquatile, magno ranis terrori.

- 25 Corripere coepit singulas. Frustra necem
Fugitant inertes; vocem praecludit metus (1).
Furtim igitur dant Mercurio mandata ad Jovem,
Adflctis ut succurrat. Tunc contra Deus:
Quia noluistis vestrum ferre (2), inquit, bonum,
30 Malum perferte. Vos itaque, o cives, ait,
Hoc sustinete, majus ne eveniat malum.

F A B U L A III.

GRACULUS SUPERBUS, ET PAVO.

- Ne gloriari libeat alienis bonis,
Suoque potius habitu (3) vitam degere,
Aesopus nobis hoc exemplum prodidit.
Tumens inani Graculus superbia
5 Pennas, Pavoni quae deciderant, sustulit,
Seque exornavit: deinde contemnens suos;
Formoso se pavonum immiscuit gregi.
Illi impudenti pennas eripiunt avi,
Fugantque rostris (4). Male mulcatus Graculus
10 Redire moerens coepit ad proprium genus;
A quo repulsae tristem sustinuit notam (5).
Tum

(1) *Vocem praecludit metus.* Est enim metus vinculum linguae.

(2) *Ferre.* Recte uti.

(3) *Habitu.* Quod Horatius dixit: *sua sorte contentus vivat*: atque idem alibi, *in propria pelle quiescat*.

(4) *Fugantq. rostris* Suspiciatur Heinsius non inconcinnam lectionem, *figuntque rostris*.

(5) *Notam.* Dedecus.

- Tum quidam ex illis, quos prius despexerat :
 Contentus nostris si fuisses sedibus (1),
 Et, quod natura dederat, voluisses pati (2):
 15 Nec illam expertus esses contumeliam,
 Nec hanc repulsam tua sentiret calamitas.
-

F A B U L A IV.

CANIS PER FLUVIUM CARNEM FERENS.

- Amittit merito proprium, qui alienum adpetit.
 Canis, per flumen carnem dum ferret natans,
 Lympharum in speculo vidit simulacrum suum;
 Aliamque praedam ab alio ferri putans,
 5 Eripere voluit: verum decepta aviditas,
 Et, quem tenebat ore, demisit cibum,
 Nec, quem petebat, adeo (3) potuit adtingere.

FA-

-
- (1) *Sedibus*. Conditione.
 (2) *Pati*. Contentus esse.
 (3) *Adeo*. Particula *adeo* eleganter usurpata non
 verbo *petebat*, sed particulae *nec* adjungenda est. Ut
 autem versus constet, *adeo* dissyllabum est. Sic apud
 Virg. uno eodemque igni.

F A B U L A V.

VACCA, CAPELLA, OVIS, ET LEO.

Nunquam est fidelis cum potente societas (1).
Testatur haec fabella propositum meum (2).

Vacca, et Capella, et patiens Ovis injuriae,
Socii fuere cum Leone in saltibus (3).

5 Hi quum cepissent cervum vasti corporis,
Sic est locutus partibus factis Leo:

Ego primam tollo, non minor quia (4) Leo:

Secundam, quia sum fortis (5), tribuetis mihi:

Tum, quia plus valeo (6), me sequetur tertia (7):

10 Malo adfligetur, si quis quartam tetigerit.

Sic totam praedam (8) sola improbitas (9) abstulit.

FA-

(1) *Societas*. Appellata primum a jureconsulto Cassio, et passim deinde a plurimis *leonina societas*.

(2) *Propositum*. Sententiam propositam intelligit.

(3) *Saltibus*. Locis venationi aptis.

(4) *Quia*. Ultima syllaba hujus verbi praeter consuetudinem hoc versu producta occurrit.

(5) *Fortis*. Non corporis robur, sed animi notat. Sic apud Plin. *leones ferarum generosissimi*.

(6) *Plus valeo*. Valentior sum: ut fortis ad animum, sic *valere* ad corpus pertinet.

(7) *Me sequetur tertia*. Mea erit.

(8) *Praedam*. *Praeda* proprie, quod in venatione capitur.

(9) *Sola improbitas*. *Improbitas* hic est cupiditatis insatiabilitas. *Improbis* enim a Servio interpretatur insatiabilis ad illud Virg. Georg. III.

..... hic piscibus atram

Improbis ingluviem, ranisque loquacibus explet.

F A B U L A VI.

RANAE AD SOLEM.

Vicini furis celebres (1) vidit nuptias
 Aesopus, et continuo narrare incipit.

Uxorem quondam Sol cum vellet ducere,
 Clamorem Ranae sustulere ad sidera.
 5 Convicio (2) permotus quaerit Jupiter
 Causam querelae: quaedam tum stagni incola (3):
 Nunc, inquit, omnes unus exurit (4) lacus,
 Cogitque miseras arida sede (5) emori:
 Quidnam futurum est, si crearit liberos?

F A B U L A VII.

VULPIS AD PERSONAM TRAGICAM.

Personam tragicam (6) forte Vulpis viderat:
 O quanta species, inquit, cerebrum non habet!
 Hoc

(1) *Celebres*. *Celebrare* proprie, et frequentius de nuptiis propter earum solemnitatem.

(2) *Convicio*. Collatione vocum, quasi *convocatio*.

(3) *Incola*. Hic foeminini generis est, ut *advena*, atque alia id genus nomina.

(4) *Exurit*. Exiccat.

(5) *Arida sede*. Sicca palude.

(6) *Personam tragicam*. Est *persona* proprie larva histrionum a *personando* dicta, ut lepide apud Gell. Bassus est interpretatus, quod, quum caput, atque os undique coopertum sit, unam tantum vocis viam habens, magis claros sonitus edat.

Hoc illis dictum est, quibus honorem, et gloriam
Fortuna tribuit, sensum communem (1) abstulit.

F A B U L A VIII.

LUPUS ET GRUIS (*).

Qui pretium meriti (2) ab improbis desiderat,
Bis peccat: primum quoniam indignos adjuvat (3),
Impune deinde abire (4), quia jam non potest.
Os devoratum fauce cum haereret Lupi,
5 Magno dolore victus, coepit singulos
Inlicere pretio, ut illud extraherent malum.
Tandem persuasa est jurejurando Gruis,
Gulaeque credens colli longitudinem (5).
Periculosam (6) fecit medicinam Lupo.
10 Pro quo cum pactum flagitaret praemium:
Ingrata es, inquit, ore quae nostro caput
Incolume (7) abstuleris, et mercedem postules.

FA-

(1) *Sensum communem*. Intellectum, qualem vulgo
de rebus homines habere solent.

(*) *Gruis*. *Grus* antiqui *gruis*, uti *sus*, *suis* dixere:
sic infra *plebes* pro *plebs*.

(2) *Pretium meriti*. *Meritum* pro beneficio, *pretium*
pro praecio usurpat.

(3) *Indignos adjuvat*. Vitia promovet.

(4) *Impune abire*. Sine noxa, sine damno abire.

(5) *Colli longitudinem*. Longum collum, ut infra,
corvi stupor pro *corvo stupido*.

(6) *Periculosam*. Medicinam parum tutam, quippe
lupo adlatam.

(7) *Caput incolume*. Tale nimirum est latronum be-
neficium iis se vitam dedisse arbitrantium, quibus non
ademerint.

F A B U L A IX.

PASSER, ET LEPU.S.

Sibi non cavere (1), et aliis consilium dare,
Stultum esse paucis ostendamus versibus.

- Oppressum ab aquila fletus edentem graves
Leporem objurgabat Passer: Ubi pernicitas
5 Nota, inquit, illa est? Quid ita cessarunt pedes (2)?
Dum loquitur, ipsum accipiter nec opinum rapit,
Questuque vano clamitantem interficit.
Lepus semianimus mortis in solatio:
Qui modo securus nostra inridebas mala,
10 Simili querela fata deploras tua.

F A B U L A X.

LUPUS, ET VULPIS JUDICE SIMIO.

Quicumque turpi fraude semel innotuit,
Etiam si verum dicit, amittit fidem.
Hoc adtestatur brevis Aesopi fabula.

- Lupus arguebat (3) Vulpem furti crimine:
5 Negabat illa, se esse culpae proximam (4):
Tunc

(1) *Sibi non cavere.* Sibi non sapere.

(2) *Quid ita cessarunt pedes?* Tardi facti sunt.
Cessare, ut hic, est aliquid languide, et negligenter
facere. Hoc sensu usus est Virg. Aen. VI.

— *Cessas in vota precesque*
Tros, ait, Aenea?

(3) *Arguebat.* Accusabat.

(4) *Culpae proximam.* Ream: sic Cic. *affinem culpae* dixit.

Tunc iudex inter illos sedit (1) Simius.

Uterque causam quam perorassent (2) suam,

Dixisse fertur Simius sententiam:

Tu non videris (3) perdidisse, quod petis;

10 Te credo surripuisse, quod pulchre (4) negas.

F A B U L A XI.

ASINUS, ET LEO VENANTES.

Virtutis (5) expers verbis jactans gloriam (6)
Ignotos (7) fallit, notis (8) est derisui.

Venari Asello comite quum vellet Leo,
Contexit illum frutice, et admonuit simul,
5 Ut insueta voce terreret feras,
Fugientes ipse exciperet. Hic iuritus
Clamorem subitum totis tollit viribus,
Novoque turbat bestias miraculo (9):

Quae

(1) *Sedit*. *Sedere* proprie iudicium. *Sedere* dicebatur praetor, cum pro tribunali sedebat. Hinc dicundi juris dies *sessionum* appellabantur.

(2) *Perorassent*. Orationem ad finem produxissent. *Causa perorata est*. Tull.

(3) *Tu non videris*. *Videri*, et *non videri* erat formula in sententiis iudicium ferendis.

(4) *Pulchre*. Scite, callide.

(5) *Virtutis*. Virtus accipitur pro viribus, ac robore.

(6) *Verbis jactans gloriam*. Gloriosa verba.

(7) *Ignotos*. Active hoc verbum accipitur de iis, qui non noscunt: ita *ignotus juris sui*, id est, qui ignotum jus suum habet.

(8) *Notis*. Qui noscunt.

(9) *Miraculo*. *Mirari* veteres pro *nescire* dixerunt.

- Quae dum paventes, exitus notos petunt (1),
 10 Leonis adfliguntur (2) horrendo impetu.
 Qui postquam caede fessus est, Asinum evocat,
 Jubetque vocem premere: Tunc ille insolens:
 Qualis videtur opera tibi vocis meae?
 Insignis, inquit, sic ut nisi nossem tuum
 15 Animum, genusque, simili fugissem metu.

F A B U L A XII.

CERVUS AD FONTEM.

- Laudatis utilibra, quae contempseris,
 Saepe inveniri, haec exserit (3) narratio.
 Ad fontem Cervus, quum bibisset, restitit,
 Et in liquore vidit effigiem suam.
 5 Ibi dum ramosa (4) mirans laudat cornua,
 Crurumque nimiam tenuitatem vituperat,
 Venantum (5) subito vocibus (6) conterritus,
 Per campum fugere coepit, et cursu levi
 Canes elusit. Silva tum excepit ferum (7),
 10 In

(1) *Exitus*. Vñs elabendi. Quum omnes exitus occupatos ostendisset. Corn. Nep. in Han.

(2) *Adfliguntur*. Terra adliduntur.

(3) *Exserit*. Iotum facit.

(4) *Ramosa cornua*. Apud Virgilium, cornibus arboreis.

(5) *Venantum*. Venatorum. Metri gratia apud poetas is casus ita desini. Sic apud Virg. *Precantum*, *natantum*.

(6) *Vocibus*. Consueti clamore, quo hortantur canes.

(7) *Ferum*. Ierus pro fera. A Phaedro substantive aliquoties usurpatur. Sic Virg.

In latus, inque feri curvam compagibus alium.

- 10 In qua retentis impeditus cornibus,
 Lacerari coepit morsibus saevis canum.
 Tunc moriens vocem hanc edidisse dicitur:
 O me infelicem! qui nunc demum intelligo,
 Ut illa mihi profuerint, quae despexeram,
 15 Et quae laudaram, quantum luctus habuerint!

F A B U L A XIII.

VULPIS, ET CORVUS.

- Qui se laudari gaudent verbis subdolis (1),
 Serac dant poenas turpes poenitentiae.
 Cum de fenestra (2) Corvus raptum caseum
 Comesse vellet, celsa residens arbore,
 5 Hunc vidit Vulpis, dehinc sic occorrit loqui:
 O qui tuarum, Corve, pennarum est nitor!
 Quantum decoris corpore, et vultu geris!
 Si vocem haberes, nulla prior (3) ales foret.
 At ille stultus, dum vult vocem ostendere (4),
 10 Emisit ore caseum, quem celeriter
 Dolosa Vulpis avidis rapuit dentibus.
 Tum demum (5) ingemuit Corvi deceptus stupor (6):
 Hac re probatur quantum ingenium valet,
 Virtuti et semper praevalet sapientia.

Tom. III.

b

FA-

- (1) *Verbis subdolis.* Blandis, sed aptis fallendo.
 (2) *De fenestra.* Latinissime, uti Ulpianus: *furtiva facere de domo.* Dig. de fur.
 (3) *Nulla prior ales.* Prior idest *melior.* Ales foeminini generis.
 (4) *Ostendere.* Ostentare.
 (5) *Demum.* Hoc verbum eleganter notat iudicii tarditatem.
 (6) *Corvi deceptus stupor.* Idem ac *Corvus stupidus.*
 Ita Catul.: *Talis iste meus stupor nil videt, nil audit.*

F A B U L A XIV.

EX SUTORE MEDICUS.

Malus (1) quum Sutor inopia deperditus
 Medicinam (2) ignoto facere coepisset loco,
 Et venditaret falso antidotum nomine,
 Verboris adquisivit sibi famam strophis (3).
 5 Hic (4) cum jaceret (5) morbo confectus gravi
 Rex urbis, ejus experiundi (6) gratia,
 Scyphum poposcit: fusa dein simulans aqua.
 Miscere illius antidoto se toxicum,
 Hoc bibere jussit ipsum, posito proemio (7).
 10 Timore mortis ille tum confessus est,
 Non artis ulla medicae se prudentia (8),
 Verum stupore vulgi factum nobilem.
 Rex advocata concione haec edidit:
 Quantae putatis esse vos dementiae,
 15 Qui capita vestra non dubitatis credere,
 Cui calceandos nemo commisit pedes?
 Hoc pertinere vere ad illos dixerim,
 Quorum stultitia quaestus impudentiae est.

FA-

-
- (1) *Malus quum sutor.* Suae artis imperitus.
 (2) *Medicinam facere.* Idest eam artem exercere.
 (3) *Strophis Laqueos verborum* vocat Cic.
 (4) *Hic.* Tunc.
 (5) *Jaceret.* Decumberet, ut aegroti solent.
 (6) *Experiundi.* Explorandi, utrum artem medicam
 calleret nec ne.
 (7) *Posito.* Proposito.
 (8) *Prudentia.* Scientia.

F A B U L A XV.

ASINUS AD SENEM PASTOREM.

In principatu commutando civium,
Nil praeter domini nomen mutant pauperes.
Id esse verum parva haec fabella indicat.

Asellum in prato timidus pascebat Senex :

- 5 Is hostium clamore subito territus,
Suadebat Asino fugere, ne possent capi,
At ille lentus: Quaeso, num binas mihi
Clitellas (1) impositurum victorem putas?
Senex negavit. Ergo quid refert mea,
10 Cui serviam, clitellas dum portem meas?

F A B U L A XVI.

CERVUS ET OVIS.

Fraudator nomen quum locat (2) sponsu improbo,
Non rem expedire (3), sed mala videre expetit.

b 2

Ovem

(1) *Clitellas*. Sunt *clitellae* sellae dossuariae jumentis imponi solitae ad sarcinas commodius gestandas. Hinc *clitellarii* asini, vel muli a Catone dicti.

(2) *Nomen locat*. Is dicitur, qui mutua pecunia, vel merce sumpta alteri obligatur. *Nomina* vero *facere* diverso a latinis usurpatur sensu, vel cum Seneca significatur is, qui pecuniam credit, vel cum Tullio is, qui accipit.

(3) *Rem expedire*. Ut metaphora a *locando nomina* petita sibi constet, videtur hic *expedire rem* tantundem esse ac *expedire nomina*.

- Ovem rogabat cervus modium tritici,
 Lupo sponsore: at illa praemetuens doli:
 5 Rapere atque abire semper adsuevit lupo,
 Tu de conspectu fugere veloci inpetu:
 Ubi vos requiram, quum dies advenerit (1)?

F A B U L A XVII.

OVIS, CANIS, ET LUPUS.

- Solent mendaces luere poenas malefici.
 Calumniator (2) ab Ove quum peteret Canis,
 Quem commodasse (3) panem se contenderet;
 Lupus citatus testis, non unum modo
 5 Deberi dixit, verum affirmavit decem.
 Ovis damnata falso testimonio,
 Quod non debebat, solvit. Post paucos dies
 Bidens jacentem in fovea (4) prospexit Lupum,
 Haec, inquit, merces fraudis a Superis datur.

FA-

(1) *Dies advenerit*. Solutioni praestituta.(2) *Calumniator*. Ordo pueris turbatio: simplicior fortasse sic. Canis calumniator cum peteret panem ab ove, quem contenderet se ei commodasse.(3) *Commodasse*. Malumus hic ita cum Burmanno legere, quam cum Cod. Pithaeano *commendasse*. *Commendare* enim est tantum deponere: *commodare* vero, quod magis hic ad rem facit, est aliquid suum ad utendum dare.(4) *Fovea*. Ad feras capiendas facta,

F A B U L A XVIII.

CANIS PARTURIENS.

- Habent insidias hominis blanditiae mali;
Quas ut vitemus, versus subjecti monent.
Canis parturiens, quum rogasset alteram,
Ut fortun in ejus tugurio deponeret (1),
5 Facile impetravit: dein reposeenti locum,
Preces admovit, tempus exorans breve,
Dum firmiores catulos posset ducere (2).
Hoc quoque consumpto, flagitare validius
Cubile coepit: Si mihi, et turbae meae
10 Par, inquit, esse potueris, cedam loco.

F A B U L A XIX.

CANES FAMELICI.

- Stultum consilium non modo effectum caret,
Sed ad perniciem quoque mortales devocat.
Corium (3) depressum in fluvio viderunt canes:
Id ut comesse extractum possent facilius,
5 Aquam coepere bibere: sed rupti prius
Periere, quam quod petierant, contingerent.
b 3 FA-

-
- (1) *Deponeret.* Deponere liceret.
(2) *Ducere.* Dictum de bestiis, cum catulos suos
aegre adhuc incedentes post se trahunt.
(3) *Corium.* Canes coria appetunt. Hor. Sat. II.
Ut canis a corio nunquam absterrebitur unda.

F A B U L A XX.

LEO SENEX, APER, TAURUS, ET ASINUS.

Quicumque (1) amisit dignitatem pristinam,
Ignavis etiam jocus est in casu gravi.

Defectus annis (2), et desertis viribus
Leo quum jaceret spiritum extremum trahens,
5 Aper fulmineis (3) ad eum venit dentibus,
Et vindicavit ictu (4) veterem injuriam:
Infestis taurus mox confodit cornibus
Hostile corpus. Asinus ut vidit ferum (5)
Impune laedi, calcibus frontem exerit (6),
10 At ille expirans: Fortes indigne tuli
Mihi insultare (7): te, naturae dedecus (8),
Quod ferre certe (9) cogor, bis videor mori (10).
FA-

(1) *Quicumque*. Congruit cum hac sententia illud Ciceronis: *ubi non sis, qui fueris, non est cur velis vivere*.

(2) *Defectus annis*. Quem scilicet anni deficiebant. Sic Tacitus: *Tuhero defecto corpore*.

(3) *Fulmineis*. Ita Ovid. de Apro.

Fulmineo celeres dissipat ore canes.

(4) *Ictu*. Morsu.

(5) *Ferum*. Leonem.

(6) *Exerit*. Confringit.

(7) *Insultare*. Quod est in alienum dolorem gaudere.

(8) *Naturae dedecus*. Sic eleganter asinum vocat.

(9) *Certe*. Rectius transponas vocem loco suo motam, legasque: *quod ferre cogor, certe bis videor mori*. Meursius.

(10) *Bis mori*. Intellige *bis mori*, semel per vim, iterum per infamiam: bonum enim nomen vitae acquiparatur.

F A B U L A XXI.

MUSTELA ET HOMO.

Mustela ab homine presa, quum instantem necem
 Effugere vellet: Quaeso, inquit, parcas mihi,
 Quae tibi molestis muribus purgo domum.
 Respondit ille: faceres si causa mea,
 5 Gratum esset (1), et dedissem veniam supplici:
 Nunc, quia laboras, ut fruaris reliquiis,
 Quae sunt rosuri (2), simul et ipsos devores,
 Noli imputare (3) vanum (4) beneficium mihi.
 Atque ita loquutus, improbam leto dedit.
 10 Hoc in se dictum debent illi agnoscere,
 Quorum privata servit utilitas sibi,
 Et meritum inane jactat imprudentibus.

F A B U L A XXII.

CANIS FIDELIS.

Repente liberalis, stultis gratus est;
 Verum peritis invitos tendit dolos (5).

b 4

No-

(1) *Gratum esset*. Vulgo; *te ne sarei obligato*.

(2) *Quae sunt rosuri*. Reliquia: quo verbo neutro genere usus est.

(3) *Imputare beneficium*. Idest exprobrare tanquam beneficium.

(4) *Vanum*. Falsum. Sic *vana fides* apud Virgilium, inquit Servius, *idest falsa*.

(5) *Tendit dolos*. *Tendere* proprie verbum venaticum: *Tendi retia* dicuntur feris, quum capiuntur.

- Nocturnus quum fur panem misisset (1) Cani,
 Objecto tentans an cibo posset capi:
 5 Heus, si, inquit, linguam (2) vis meam praecludere,
 Ne latrem pro re domini, multum falleris:
 Namque ista subita me jubet benignitas
 Vigilare, facias ne mea culpa lucrum.

F A B U L A XXIII.

RANA RUPTA, ET BOS.

- Inops, potentem (3) dum vult imitari, perit.
 In prato quaedam Rana conspexit Bovem,
 Et tacta (4) invidia tantae magnitudinis,
 Rugosam inflavit pellem: tum natos suos
 5 Interrogavit, an Bove esset latior.
 Illi negarunt. Rursus intendit cutem
 Majore nisu, et simili quaesivit modo,
 Quis (5) major esset. Illi dixerunt Bovem.
 Novissime indignata, dum vult validius
 10 Inflare sese, rupto jacuit corpore.

FA-

- (1) *Misisset.* Objecisset.
 (2) *Linguam praecludere.* Vocem.
 (3) *Potentem.* Divitem.
 (4) *Tacta.* Commota, Lucretius, *tangitur ira.*
 (5) *Quis major.* Quis pro uter.

F A B U L A XXIV.

CANIS, ET CROCODILUS.*

Consilia qui dant prava cautis hominibus,
 Et perdunt operam, et deridentur turpiter.
 Canes currentes (1) bibere in Nilo flumine,
 A Crocodilis ne rapiantur, traditum est.
 5 Igitur quum currens bibere coepissent Canis:
 Sic Crocodilus: Quam libet (2) lambe, otio (3).
 Pota, atque accede Nilo temere, de dolo
 Noli vereri. At ille: Facerem mehercule,
 Nisi esse scirem carnis te cupidum meae.

F A B U L A XXV.

VULPIS, ET CICONIA.

Nulli nocendum: si quis vero laeserit,
 Mulcandum simili jure (4), fabella admonet.
 Vulpes ad caenam dicitur Ciconiam
 Prior invitasse: et illi in patena liquidam

5 Po-

(*) *Crocodilus*. Animal e genere amphibiorum, laceratae persimile, sed magno corpore, cute usque adeo dura, ut in nulla sui parte, nisi in solo ventre penetrari possit.

(1) *Currentes*. Plin. VIII. *Certum est, inquit, iuxta Nilum amnem canes currentes lambere, ne Crocodilorum aviditati occasionem praebeant.*

(2) *Quam libet*. Pro quantum libet.

(3) *Otio*. Leniter.

(4) *Simili jure*. Talione.

- 5 Posuisse (1) sorbitionem, quam nullo modo
 Gustare esuriens potuerit Ciconia.
 Quae vulpem quum revocasset (2), intrito cibo (3)
 Plenam lagenam posuit: huic rostrum inferens
 Satiatur ipsa: torquet convivam fame:
 10 Quae quum lagenae frustra collum lamberet;
 Peregrinam (4) sic locutam volucrem accepimus:
 Sua quisque exempla (5) debet aequo animo pati.

F A B U L A XXVI.

CANIS AD THESAURUM, ET VULTURIUS. (*)

Haec res (6) avaris esse conveniens potest,
 Et qui humiles (7) nati, dici locupetes student.
 Hu-

(1) *Posuisse*. Proprie de ferculis, idest *apposuisse*.

(2) *Revocasset*. *Vocare*, et *revocare* verba convivorum propria, Plauto aliisque ad id presse adhibita. Hinc qui vocabant *vocatores* a Plin. Juniore appellati.

(3) *Intrito cibo*. Quod et *intritum* absolute dicitur, edulii genus erat, fiebatque ex comminuto pane, macerato lacte, addito nonnunquam allio, caseo, ovis, atque id genus aliis.

(4) *Peregrinam volucrem*. Vocat ciconiam *peregrinam*, quae quotannis peregre abire, et reverti solet. Varro id volucrum genus *advenas* appellat.

(5) *Sua quisque exempla*: Est enim aequissimum debere unumquemque eam legem pati, quam ipse tulerit; et quod quisque juris in alterum statuerit, ut ipse eodem jure utatur. Cic.

(*) *Vulturius*. Vultur.

(6) *Res*. *Fabulam*, *fabellam*, *exemplum* alibi vocat.

(7) *Humiles*. Opponuntur locupletibus.

Humana effodiens (1) ossa, thesaurum (2) Canis
 Invenit: et violarat quia Manes Deos (3),
 5 Injecta est illi divitiarum cupiditas,
 Poenas ut sanctae religioni (4) penderet.
 Itaque aurum dum custodit, oblitus cibi
 Fame est consumptus: quem stans Vulturius super
 Fertur locutus. O Canis, merito jaces,
 10 Qui concupisti subito regales opes (5),
 Trivio conceptus, et educatus stercore.

F A B U L A XXVII.

VULPIS, ET AQUILA.

Quamvis (6) sublimes (7), debent humiles metuere,
 Vindicta docili quia patet solertiae.
 Vulpino catulos Aquila quondam sustulit,
 Nidoque posuit pullis, escam ut carperent (8).
 5 Hanc persecuta mater, orare incipit,

N_e

(1) *Effodiens ossa*. Ad vescendum.

(2) *Thesaurum*. Pecuniam in terra ad custodiendum depositam.

(3) *Manes Deos*. Monumentis inscribi solebat; *Diis Manibus*. Unde sepulcra *Manium aedificia* vocantur.

(4) *Sanctae religioni*. Sepulcrorum.

(5) *Regales*. Majores, quam privatas.

(6) *Quamvis*. Quantumvis.

(7) *Sublimes*. Potentes, honore, et dignitate insignes.

(8) *Escam carperent*. Ut eos in escam carperent; *carpere* de cibo usurpatur.

- Ne tantum miserae luctum importaret (1) sibi.
 Contempsit illa, tuta quippe ipso loco.
 Vulpes ab ara rapuit ardentem facem,
 Totamque flammis arborem circumdedit,
 10 Hosti dolorem danino (2) miscens (3) sanguinis.
 Aquila, ut periclo mortis eriperet suos,
 Incolumes natos supplex Vulpi tradidit.

F A B U L A XXVIII.

ASINUS IRRIDENS APRUM.

- Plerumque stulti risum dum captant levem,
 Gravi destringunt (4) alios contumelia,
 Et sibi nocivum concitant periculum.
 Asellus Apro quum fuisset obvius;
 5 Salve, inquit, frater. Ille indignans, repudiat
 Officium (5), et quaerit cur sic mentiri velit.
 Aper quum vellet facere generosum (6) impetum,
 Repressit iram: et, facilis vindicta est mihi:
 Sed inquinari nolo ignavo sanguine (7).

FA-

(1) *Importaret*. Afferret. Vulgare latinis, *importare aegritudinem, ignominiam, infortunium*.

(2) *Damno sanguinis*. Damno prolis.

(3) *Miscens*. Translatum apte a convivis petum, in quibus misceri potus dicitur. Sic apud Cicer. *Miscere mulsum*.

(4) *Destringunt*. Notant.

(5) *Officium*. Salutationis. Vulgo *Complimento*.

(6) *Generosum*. Genere, et ortu suo dignum.

(7) *Ignavo sanguine*. Vili scilicet, et objecto, cui *generosus* opponitur.

F A B U L A XXIX.

RANAE METUENTES TAURORUM PRAELIA.

Humiles laborant (1), ubi potentes dissident.
 Rana in palude pugnam Taurorum intuens;
 Heu quanta nobis instat perniciēs! ait.
 Interrogata ab alia, cur hoc diceret,
 5 De principatu quum decertarent gregis,
 Longeque ab illis degerent vitam boves.
 Est natio (2) separata, ac diversum genus;
 Sed pulsus regno nemoris (3) qui profugerit,
 Paludis in secreta veniet latibula (4),
 10 Et proculcatas obteret duro pede:
 Caput ita ad nostrum furor illorum pertinet (5).

F A B U L A XXX.

MILVIUS, ET COLUMBAE.

Qui se committit homini tutandum improbo,
 Auxilia dum requirit, exitium invenit.

Co-

- (1) *Humiles laborant.* Horat. Ep. I.
Quid quid delirant Reges plectuntur Aclivi.
 (2) *Natio est separata.* In pecoribus natio dicitur;
 et eleganter de bovis usurpatur a Festo.
 (3) *Regno nemoris.* Sic Virg. de Tauro victo. Geor.
 III. *Et stabula aspectans regnis excessit avitis.*
 (4) *Secrata latibula.* Pabulationes secretas.
 (5) *Pertinet.* Idest eo usque se porrigit.

- Columbae saepe cum fugissent Milvium (1),
 Et celeritate pennae vitassent necem,
 5 Consilium raptor vertit ad fallaciam,
 Et genus inerme tali decepit dolo:
 Quare sollicitum potius aevum ducitis.
 Quam regem me creatis icto foedere (2),
 Qui vos ab omni tutas praestem injuria?
 10 Illae credentes, tradunt sese Milvio,
 Qui regnum adeptus, caepit vesci singulas,
 Et exercere imperium saevis unguibus.
 De reliquis (3) tunc una: merito plectimur.

LI-

(1) *Milvium*. *Milvus*, et ut hic *Milvius* nomen trisyllabum est. Haec avis rapacissima sibi nomen mutuat a voce.

(2) *Icto federe*. Formula foederum feriendorum traditur a Livio l. 1. 24.

(3) *De reliquis*. Est *reliquis* hic quadrisyllabum, ut versus plane constet. Ita lib. III. 4. *Inter reliquas merces, atque obsonia*.

LIBER SECUNDUS.

A U C T O R.

- E**xemplis continetur Aesopi genus (1),
 Nec aliud quicquam per fabellas quaeritur,
 Quam corrigatur error ut mortalium,
 Acuatque sese diligens industria.
- 5 Quicumque fuerit ergo narrantis jocus,
 Dum capiat aurem (2), et servet propositum suum,
 Re commendatur, non auctoris nomine.
 Equidem omni cura morem servabo Senis (3):
 Sed si libuerit aliquid interponere;
- 10 Dictorum sensus ut delectet varietas (4),
 Bonas in partes, lector, accipias velim.
 Sic ista (5) tibi rependet brevitatis gratiam,
 Cujus verbosa ne sit commendatio.

FA-

(1) *Aesopi genus*. Arbitramur hic Aesopi *genus* significare scribendi rationem, qua utebatur Aesopus: licet alii credant *genus* notare homines, ut longe alius sensus, ac ordo verborum hic sit: *Genus continetur exemplis Aesopi*. Quo sensu verbum *contineri* est proprium magistrorum.

(2) *Capiat aurem*. Delectet, teneat.

(3) *Senis*. Aesopum intelligit, ut infra: *naris emunctae senex*.

(4) *Delectet varietas*. In quovis rerum genere, ut similitudo affert fastidium, sic varietas delectationem.

(5) *Sic ista ec.* Sensus est, sic tuam humanitatem, lector, ego brevitate rependam: cujus scilicet brevitatibus nolo hoc loco a me verbosa commendatio fiat, ne in eo ipso, quo brevitatem pluribus verbis commendavero, partem brevitatis laudem prolixitate deteram.

F A B U L A I.

JUVENCUS, LEO, ET PRAEDATOR.

Attende cur negare cupidis debeas,
 Modestis (1) etiam offerre, quod non potuerint.
 Super Juvenum stabat dejectum Leo.
 Praedator intervenit, partem postulans (2):
 5 Darcem, inquit, nisi soleres per te sumere
 Et improbum rejecit. Forte innoxius
 Viator est deductus (3) in eundem locum,
 Feroque viso rettulit retro pedem.
 Cui placidus ille: Non est quod timeas, ait;
 10 Et quae debetur pars tuae modestiae,
 Audacter (4) tolle. Tunc diviso tergo,
 Silvas petivit, homini ut accessum daret.
 Exemplum egregium prorsus, et laudabile;
 Verum est Aviditas dives, et pauper Pudor.

FA-

(1) *Modestis*. Qui modicis sunt contenti: modestis oppositi *cupidi* dicuntur.

(2) *Partem posu'ans*. Quum non sit portio peculiari nomine distincta *dimidium* intellige.

(3) *Deductus*. Eleganter de eo dicitur, qui forte fortuna in aliquid incidit.

(4) *Audacter*. Fidenter tolle.

F A B U L A II.

HOMO, ET CANIS.

Laceratus quidam morsu vehementis Canis,
Tinctum cruore panem misit (1) malefico (2),
Audierat esse quod remedium vulneris.
Tunc, sic Aesopus: Noli coram pluribus
5 Hoc facere canibus, ne nos vivos devorent,
Quum scierint esse tale culpae praemium.
Successus improborum plures allicit.

F A B U L A III.

AQUILA, FELES, ET APER.

Aquila in sublimi quercu (3) nidum fecerat:
Feles cavernam (4) nacta in media pepererat:
Sus nemoricultrix (5) foetum ad imam posuerat.
Tum fortuitum (6) Feles contubernium
5 Fraude, et scelestas sic evertit malitia.
Ad nidum scandit volucris: Pernicies, ait,
Tibi paratur, forsan et miserae mihi.

Tom. III.

c

Nam.

- (1) *Misit*. Objecit, ne morderet amplius.
(2) *Malefico*. Ei, qui morsu laeserat.
(3) *Sublimi quercu*. Pro parte sublimi quercus.
(4) *Cavernam*. Cavum arboris.
(5) *Nemoricultrix*. Vox eleganter composita. Sic Catullus *silvicultricem* cervam, et *nemorivagum* aprum vocat.
(6) *Fortuitum*. Penultima producitur, ut et in Hor.
Ne fortuitum spernere cespitem.

- Nam fodere terram quod vides quotidie
 Aprum (1) insidiosam, quercum vult evertere;
 10 Ut nostram in plano facile progeniem opprimat.
 Terrore offuso, et perturbatis sensibus,
 Derepit ad cubile setosae suis:
 Magno, inquit, in periculo sunt nati tui:
 Nam simul exieris pastum cum tenero grege,
 15 Aquila est parata rapere porcellos tibi.
 Hunc quoque timore postquam complevit locum,
 Dolosa tuto (2) condidit se cavo.
 Inde evagata noctu suspenso pede (3),
 Ubi esca se replevit, et prolem suam,
 20 Pavorem simulans Aquila ramis desidet:
 Ruinam metuens Aquila ramis desidet:
 Aper rapinam vitans non prodit foras.
 Quid multa? inedia sunt consumpti cum suis;
 Felisque catulis largam prae buerunt dapem.
 25 Quantum homo bilinguis (4) saepe concinnet mali,
 Documentum habere stulta credulitas potest.

(1) *Aprum*. Quum de foemina sermo sit, ea vox ex eo genere est, quod *epicoenum* vocant.

(2) *Tuto cavo*. Idest ima, et ultima cavi parte.

(3) *Suspenso pede*. Tacito.

(4) *Bilinguis*. Fallax: ita Virg. *Tyriosque bilingues*.

F A B U L A IV.

CAESAR AD ATRIENSEM (*).

Est Ardelionum (1) quaedam Romae natio,
 Trepide concursans, occupata in otio,
 Gratis anhelans (2), multa agendo nihil agens,
 Sibi molesta, et aliis odiosissima:
 5 Hanc emendare, si tamen possum, volo
 Vera fabella (3): pretium est operae attendere.
 Caesar Tiberius, quum petens Neapolim,
 In Misenensem villam venisset suam,
 Quae monte summo posita (4) Luculli manu,
 10 Prospectat Siculum (5), et prospicit Tuscum mare,
 Ex altecinctis (6) unus atriensibus,
 Cui tunica ab humeris linteo Pelusio (7)

c 2

Erat

(*) Atriensem. Qui custodit atrium. Erant vero atrienses inter servitia honoratoria, ut qui aliquod etiam imperium in alios servos habebant, ut ex Plauti Asinar. colligi datur.

(1) *Ardelionum*. Ab ardendo *ardeliones* dicti: quod verbum idem fuit, ac *festinare* apud veteres.

(2) *Gratis*. Frustra. *Anhelare* est aegre spiritum ducere, quod discursando persaepe fit.

(3) *Vera fabula*. Perinde si diceret narratione non ficta, sed vero historia.

(4) *Posita*. Aedificata.

(5) *Siculum, et Thuscum*. Siculum a laeva, Thuscum ad dexteram.

(6) *Ex altecinctis*. Idest paratis. Hoc nomine diligentes; contra *disinoti* negligentes vocantur.

(7) *Pelusio*. Aegyptiaco, ex oppido Pelusio, ubi linteae vestes fiebant ante alias pretiosae.

Erat destricta, cirris (1) dependentibus,
 Perambulante laeta Domino viridaria,
 15 Alveolo (2) coepit ligneo conspergere
 Humum aestuantem, come officio jactitans:
 Sed deridetur: inde notis flexibus (3)
 Prae-currit alium in xystum (4), sedans pulverem.
 Agnoscit hominem Caesar, remque intelligit (5).
 20 Id ut putavit (6) esse nescio quid boni:
 Heus inquit Dominus. Ille enimvero adsilit (7),
 Donationis alapae (8) certe gaudio.
 Tum sic jocata est tanti majestas Ducis:
 Non multum egisti, et opera nequicquam periit;
 25 Multo majoris alapae necum veneunt.

F A B U L A V.

AQUILA, CORNIX, ET TESTUDO.

Contra potentes nemo est munitus satis:
 Si vero accessit consiliator maleficus.

Vis

(1) *Cirris dependentibus*. Neglectis, ut hac negligentia curam ministrandi domino magis probaret.

(2) *Alveolo*. Vase ligneo.

(3) *Notis flexibus*. *Flexus* sunt divortia, et compendia viarum.

(4) *Xystum*. Locum deambulationibus faciendis ornatum, platanis utrinque consitis.

(5) *Remque intelligit*. Consilium ardelionis.

(6) *Id ut putavit*. Atriensis.

(7) *Adsilit*. Notat studium obsequii.

(8) *Alapae necum veneunt*. Idest servorum libertates non venduntur: ut sensus sit: libertas, quam ista sedulitate ambis, tam exiguo pretio a me non datur.

- Vis et nequitia quicquid oppugnant, ruit.
 Aquila in sublime (1) sustulit Testudinem,
 5 Quae quum abdidisset cornea corpus domo,
 Nec ullo pacto laedi posset condita:
 Venit per auras cornix, et propter volans (2):
 Opimam sane praedam rapuisti unguibus:
 Sed nisi monstraro, quid sit faciendum tibi,
 10 Gravi nequicquam te lassabis pondere.
 Promissa parte, snadet ut scopulum super
 Altis ab astris duram inlidat corticem,
 Qua comminuta, facile vescatur cibo.
 Inducta verbis Aquila monitis paruit,
 15 Simul et magistrae (3) large divisit dapera.
 Sic tuta quae naturae fuerat munere,
 Impar duabus occidit tristi nece.

F A B U L A VI.

MULI, ET LATRONES.

- Muli gravati sarcinis ibant duo:
 Unus ferebat fiscos (4) cum pecunia,
 Alter tumentes multo saccos hordeo.
 Ille onere dives, celsa cervice eminens,
 5 Clarumque collo jactans tintinnabulum:
 Comes quieto sequitur, et placido gradu.
 Subito latrones ex insidiis advolant,

c 3

In-

(1) *In sublime*. In altum.

(2) *Propter volans*. Adlubetur hic *propter* pro juxta locum adverbii.

(3) *Magistrae*. Consiliatrici maleficae.

(4) *Fiscos*. Sunt *fisci* sacculi, in quibus majoris summae pecuniae asservabantur.

- Interque caedem ferro mulum trusitant (1),
 Diripiunt nummos, negligunt vile hordeum.
 10 Spoliatus igitur casus quum fletet suos,
 Equidem, inquit alter, me contemptum gaudeo.
 Nam nihil amisi, nec sum laesus vulnere.
 Hoc argumento tuta est hominum tenuitas:
 Magno periculo sunt opes obnoxiae.

F A B U L A VII.

CERVUS ET BOVES.

- Cervus nemorosis excitatus (2) latibulis.
 Ut venatorum fugeret instantem necem
 Caeco timore proximam villam petit,
 Et opportuno sese bubili (3) condidit.
 5 Heic bos latenti: Quidnam voluisti tibi,
 Infelix ultro qui ad necem cucurreris,
 Hominumque tecto spiritum commiseris?
 At ille supplex: Vos modo, inquit, parcite;
 Occasione rursus erumpam data.
 10 Spatium diei noctis excipiunt vices.
 Frondem bubulcus adfert, nec ideo videt.
 Eunt subinde, et redeunt omnes rustici;
 Nemo animadvertit: transit etiam villicus;
 Nec ille quidquam sentit. Tum gaudens ferus
 15 Bu-

(1) *Trusitant*. Idest verberando, ac vulnerando impellunt.

(2) *Excitatus*. Verbum venatorium.

(3) *Bubili*. *Bubile*, boum stabulum, quod et *bovile* dicitur. S.c. Cat. de R. R. c. 4. *Bona bubilia*, *bonas praesepes*.

- 15 Bubus quietis agere caepit gratias,
 Hospitium adverso quod praestiterint tempore.
 Respondit unus: Salvum te cupimus quidem,
 Sed ille, qui oculos centum habet, si venerit,
 Magno in periculo vita versatur tua:
 20 Haec inter ipse dominus a caena redit:
 Et quia corruptos (1) viderat nuper boves,
 Accedit ad praesepe: Cur frondis parum est?
 Stramenta desunt. Tollere haec aranea
 Quanti est laboris? Dum scrutatur singula,
 25 Cervi quoque alta est conspicatus cornua,
 Quem convocata jubet occidi familia,
 Praedamque tollit. Haec significat fabula,
 Dominum videre plurimum in rebus suis.
-

EPILOGUS.

- Aesopi ingenio statuam (2) posuere Attici,
 Servumque collocarunt aeterna in basi,
 Patere honoris scirent ut cunctis viam,
 Nec generi tribui, sed virtuti gloriam.
 5 Quoniam occuparat alter, ne primus forem,
 Ne solus esset; studui, quod superfuit (3).
 Neque haec invidia, verum est aemulatio.
 Quod si labori faverit Latium meo,
 Plures habebit, quos opponat Graeciae.

c 4

10 Si

(1) *Corruptos*. Macie perditos.

(2) *Statuam*. Statuae hujus auctorem celeberrimum
 Lysippum fuisse patet ex lib. IV. Antholog. Gr.

(3) *Quod superfuit*. Scilicet, ut in id incumberem;
 ne solus esset Aesopus fabularum scriptor.

40 *Phaedri Fabularum*

- 10 Si livor obtrectare curam (1) voluerit ,
Non tamen eripiet laudis conscientiam.
Si nostrum studium ad aures pervenit tuas :
Et arte fictas animus sentit fabulas ,
Omnem querelam submovet felicitas.
15 Sin autem et illis doctus occurrit (2) labor ,
Sinistra quos in lucem natura extulit ,
Nec quidquam (3) possunt nisi meliores carpere ,
Fatale exitium corde durato feram ,
Donec fortunam criminis pudeat sui.

LI-

-
- (1) Curam. Hoc opus .
(2) *Occurrit* Ad manus eorum pervenit.
(3) *Nec quidquam*. Deest qui : nam diversus praecedit casus.

LIBER TERTIUS.

PROLOGUS AD EUTYCHUM (*).

Phaedri libellos legere si desideras,
 Vaces oportet, Eutyché, a negotiis (1),
 Ut liber animus sentiat vim carminis.
 Verum, inquis, tanti non est ingenium tutum,
 5 Momentum ut horae pereat officii mei (2).
 Non ergo caussa est manibus id tangi tuis,
 Quod occupatis auribus non convenit.
 Fortasse dices: Aliquae venient feriae (3),
 Quae me soluto pectore (4) ad studium vocent.
 10 Legesne, quaeso, potius viles nenias (5),
 Impendas curam quam rei domesticae,
 Reddas amicis tempora, uxori vaces,
 Animum relaxes, otium des corpori,

Ut

(*) *Eutychum*. Vetus inscriptio Romae: *Eutychus Aug. lib. Nerontanus medicus ludi matutini*. Ludus autem matutinus *arena matutina* a Martiali dicitur; quemadmodum *matutinae ferae*.

(1) *A negotiis*. Publicis curis.

(2) *Officii mei*. Accipe *officium* de munere publico. Legit *officiis meis* Heinsius.

(3) *Feriae*. Dies, quibus otari licebat.

(4) *Soluto pectore*. Idest animo soluto et libero. Ita Tullius in Ver.

(5) *Nenias*. Fabulas; sive carmina ad demulcendas aures composita.

- Ut adsueta[m] fortius praestes vicem (1)?
 15 Mutandum tibi propositum est (2), et vitae genus,
 Intrare si Musarum limen cogitas.
 Ego, quem Pierio (3) mater enixa est jugo,
 In quo tonanti sancta Mnemosyne (4) Jovi
 Foecunda novies Artium (5) peperit chorum:
 20 Quamvis in ipsa pene sim natus schola,
 Curamque habendi (6) penitus corde eraserim (7),
 Et, laude invita (8), vitam in hanc incubuerim,
 Fastidiose tamen in coetum (9) recipior:
 Quid credis illi accidere, qui magnas opes
 25 Exaggerare quaerit omni vigilia,
 Docto labori dulce praeponens lucrum?
 Sed jam, quodcunque fuerit (10) (ut dixit Sinon,
 Ad regem quum Dardaniae perductus foret)

Li-

(1) *Praestes vicem*. Dixit *vicem* pro munere: *prae-
stare* vero est peragere.

(2) *Propositum*. Ratio atque institutum.

(3) *Pierio*. Phaedrus enim in Thracia editus erat.

(4) *Mnemosyne*. Graeca vox, quae *memoriam* si-
gnificat: per illam enim omnium rerum cognitio con-
servatur. Ipsa vero novem Musas habuit a Jove.

(5) *Artium*. Musarum, quae artes invenerunt.

(6) *Habendi*. Possidendi. Hor.

... amore senescit habendi.

(7) *Eraserim*. Ita Hor. *Eradenda Cupidinis pravi
sunt elementa*.

(8) *Laude invita*. Non enim vulgo litterae magni
sunt.

(9) *In coetum*. Musarum.

(10) *Quodcunque fuerit*. Idest *quicunque me sequa-
tur eventus*. Ita Servius ad illud Sinonis *Aen. II. v. 77*.

*Cuncta equidem tibi rex, fuerit quodcunque,
fatebori*

- Librum exarabo tertium Aesopi stilo,
 30 Honori, et meritis dedicans illum tuis:
 Quem si leges, laetabor; sin autem minus,
 Habebunt certe quo se oblectent posterī.
 Nunc fabularum cur sit inventum genus,
 Brevi docebo. Servitus obnoxia
 35 Quia quae volebat non audebat dicere (1),
 Affectus proprios in fabellas transtulit,
 Calumniamque fictis elusit jocis.
 Aesopi illius semita feci viam (2),
 Et cogitavi plura quam reliquerat,
 40 In calamitatem deligens quaedam meam.
 Quod si accusator alius Sejano (3) foret,
 Si testis alius, iudex alius denique,
 Dignum faterer esse me tantis malis,
 Nec his dolorem delenirem remediis.
 45 Suspicionē (4) si quis errabit sua,
 Et rapiet ad se, quod erit commune omnium,
 Stulte nudabit animi conscientiam.
 Huic excusatum me velim nihilominus.
 Neque enim notare singulos mens est mihi,
 50 Ve-

(1) *Non audebat dicere.* Fortasse melius legas *hiscere*, quod est os ad loquendum aperire. Ita Plautus. *Ne hiscere quidem audebat.*

(2) *Semita feci viam.* *Semita* est dimidia via, quasi *semiter*. Var de L. L. Differt a via, quia est angustior, quam via. Ita Martialis lib. VII. ep. 60.

Et modo quae fuerat semita, facta via est.

(3) *Alius Sejano.* Eleganter, idest *alius, quam Sejanus*.

(4) *Suspicionē.* Secundam syllabam in *suspicionē* producit: ita Grammatici credunt. *Suspectionē* legit Gudianus. Malim vero dicas Phaedrum in suis senarius trocheo locum quandoque dedisse.

- 50 Verum ipsam vitam et mores hominum ostendere.
 Rem me professum dicet fors aliquis gravem:
 Si Phryx Aesopus potuit, Anacharsis Scytha (1),
 Aeternam famam condere ingenio suo:
 Ego litteratae qui sum propior (2) Graeciae,
 55 Cur somno inerti deseram patriae decus?
 Threissa quum gens numeret auctores suos,
 Linoque (3) Apollo sit parens, Musa Orpheo (4),
 Qui saxa cantu movit, et domuit feras,
 Hebrique (5) tenuit impetus dulci mora.
 60 Ergo hinc abesto, Livor, ne frustra gemas:
 Quoniam mihi solemnis (6) debetur gloria.
 Induxi te ad legendum: sincerum mihi
 Candore noto reddas iudicium peto.

FA-

(1) *Anacharsis Scytha*. Apulejus Apolog. *Apud socordissimos Scythas Anacharsis sapiens natus est.*

(2) *Qui sum propior*. Indicat his verbis Phaëdrus se gente Thracem Graeciae eruditionis parenti esse propiorem, quam erat vel Aesopus Phrix, vel Anacharsis Scytha.

(3) *Linoque*. Fuit Linus Apollinis, et Therpsicores, vel, ut alii volunt, Mercurii, et Uraniae filius.

(4) *Orpheo*. E Thracia nato Apollinis, et Calliopes filio, quem adeo lyra, quam a patre acceperat, valuisse ferunt, ut cantu saxa silvasque moverit, ac suam uxorem Eurydicem ab inferis reduxerit.

(5) *Hebrique*. *Hebrus* Thraciae fluvius ex Haemo monte in Aegaeum profluit.

(6) *Solemnis*. Idest consueta Thracibus poetis impartiri.

FABULA I.

ANUS AD AMPHORAM.

Anus jacere vidit epotam amphoram,
 Adhuc Falerna faece (1), e testa nobili (2),
 Odorem quae jucundum late spargeret.
 Hunc postquam totis avida traxit naribus:
 5 O suavis anima (3), qualē in te dicam bonum (4)
 Antehac fuisse, tales cum sint reliquiae?
 Hoc (5), quo pertineat, dicet qui me noverit.

FA-

(1) *Falerna faece*. Idest Falerni vini faece.

(2) *Testa nobili*. Argilla excocta *testae* vocabulum capit. Ita Tertullianus de carne Christi. Solebant vero amphorae nobiles fieri, quum nomine vini ubi, et quando nati inscribebantur. Hinc apud Petron. *Faler-num Opimianum*, Opimio scilicet Consule natum.

(3) *O suavis anima*. Idem Plautus de anu vinosissima, Curc. Act I. Sc II. *Salve, anime mi, Liberi lepos. Ut veteris vetusti cupida sum! Nam omnium unguen-tium odos prae tuo nautea est. Tu mihi stacte, tu cin-namomum, tu rosa, tu crocinum, tu casia es, tu bdellium: nam ubi tu profusus, ibi ego me pervelim sepultam.*

(4) *Bonum*. Nonnulli legunt, *qualem te dicam bo-nam*: quasi dicat: O bonam amphoram! *qualem te dicam olim fuisse, tales cum sint tuae reliquiae?*

(5) *Hoc*. Senectutem suam consolatur Phaedrus.

FABULA II.

PANTHERA, ET PASTORES.

Solet a despectis par referri gratia.
 Panthera imprudens (1) olim in foveam (2) decidit.
 Videre agrestes : alii fustes congerunt,
 Alii onerant saxis; quidam contra miseriti,
 5 Periturae quippe, quamvis nemo laederet,
 Misere panem, ut sustineret spiritum (3).
 Nox insecuta est, abeunt securi domum,
 Quasi inventuri mortuam postridie.
 At illa vires ut refecit languidas,
 10 Veloci saltu (4) fovea sese liberat,
 Et in cubile concito properat gradu.
 Paucis diebus interpositis, provolat (5),
 Pecus trucidat, ipsos pastores necat,
 Et cuncta vastans, saevit irato impetu.
 15 Tum sibi timentes, qui ferae pepercerant,
 Damnum haud recusant (6), tantum pro vita ro-
 gant (7).
 At illa; Memini (8), qui me saxo petierint,
 Qui

(1) *Imprudens*. Improvida.

(2) *Foveam*. *Foveas* illae proprie dictae, quae ur-
 sorum cervorumque capiendorum causa fiebant.

(3) *Ut sustineret spiritum*. Servaret vitam.

(4) *Veloci saltu*. Expedite exilit.

(5) *Provola*. Cubili scilicet, quo latuerat.

(6) *Damnum haud recusant*. *Haud recusare* non est
 velle, sed aequo animo subire majoris mali evitandi gratia.

(7) *Rogant pro vita*. Formula orantis, et incolumi-
 tatem deprecantis.

(8) *Memini, qui*. Supple *illorum*.

Qui panem dederint; vos timere absistite (1),
Illis revertor hostis, qui me laeserant.

FABULA III.

AESOPUS, ET RUSTICUS*.

* *Hanc fabulam ut turpiculam expunximus,*

FABULA IV.

SIMI CAPUT.

Pendere ad lanium (2) quidam vidit Simium (3)
Inter reliquas (4) merces atque opsonia.
Quaesivit quidnam saperet; tum Lanius jocans:
Quale, inquit, caput est (5), talis praestatur sapor.
5 Ri-

(1) *Absistite.* Desistite. Ita Virg. *Absiste moveri.*

(2) *Pendere ad Lanium.* *Pendere* proprie de rebus venalibus. *Ad lanium* pro *apud lanium*: sic Plautus *ad forum* pro *apud forum*.

(3) *Simium.* Non veluti opsonium, sed vivum inter reliquas merces. Itaque quae sequuntur de sapore, joco dici putat Schefferus.

(4) *Inter reliquas.* *Reliquas* est quadrisyllabum: ita apud Plautum *deliquim* totidem syllabarum numerum habet. Itaque putamus lectionem non mutandam, ut *rellicuas* scribamus.

(5) *Caput est.* Caput fere in eduliis pro parte habetur optima. Prout itaque hoc est, ita erunt cetera vel meliora, vel deteriora.

- 5 Ridicule magis hoc dictum, quam vere aestimo,
 Quando et formosos saepe inveni pessimos,
 Et turpi facie multos cognovi optimos (1).

FABULA V.

AESOPUS, ET PETULANS (*).

Successus ad perniciem multos devocat.

- Aesopō quidam petulans lapidem impegerat (2);
 Tanto, inquit, melior (3): assem deinde illi dedit,
 Sic prosecutus: Plus non habeo mehercule;
 5 Sed unde accipere possis, monstrabo tibi.
 Venit ecce dives, et potens (4): huic similiter
 Impinge lapidem, et dignum accipies praemium.
 Persuasus ille, fecit quod monitus fuit:
 Sed spes fefellit impudentem audaciam;
 10 Comprehensus namque poenas persolvit cruce (5).

FA-

(1) *Optimos*. Exemplo est ipse Aesopus, quem corpore deformem animo vero mire ingeniosum fuisse accepimus.

(*) *Petulans*. Festus: *Petulantes*, et *petulci* etiam appellantur, qui protervo impetu, et crebro petunt, laedendi alterius gratia.

(2) *Impegerat*: *Impingere* dicitur vi majori in aliquem impellere.

(3) *Tanto melior*. Laudandi atque approbandi apud veteres formula: contra vero, *tanto nequior*.

(4) *Et potens*. Qui potest melius, quam ego, dare.

(5) *Cruce*. Maxima poena: crux enim inter summa supplicia ponitur.

F A B U L A VI.

MUSCA, ET MULA.

- Musca in temone sedit, et Mulam increpans,
 Quam tarda es, inquit: non vis citius progredi?
 Vide, ne dolone (1) collum compungam tibi.
 Respondit illa: Verbis non moveor tuis;
 5 Sed istam timeo, sella (2) qui primus sedens,
 Jugum flagello temperat (3) lento (4) meum,
 Et lora frenis continet spumantibus (5).
 Quapropter aufer frivolum (6) insolentiam:
 Namque ubi strigandum est (7), et ubi currendum,
 scio.
 10 Hac derideri fabula merito potest,
 Qui sine virtute vanas exercet minas.
 Tom. III. d FA-

(1) *Dolone*. Aculeo. *Dolon* proprie gladius in baculo reconditus, uti ex Servio: musca vero suum aculeum sic abdere videtur.

(2) *Sella*. *Sella prima* est aurigae sedes equis proxima.

(3) *Temperat*. Regit: *temperat ora frenis*. Horat.

(4) *Lento flagello*. Lento id est flexibili, utpote e loris confecto.

(5) *Frenis spumantibus*. Frenis ita cohibitis, ut spument.

(6) *Frivolum*. Festus. *Frivola sunt proprie vasa fictilia quassa: unde dicta verba frivola, quae minus sunt fide subnixae.*

(7) *Strigandum est*. *Strigare* ex Scaligeri sententia dicuntur equi, quoties interquiescunt: dictum a *striga*: quae erat intercapedo, et spatium turmarum, in quo equi stringebantur ad vires recipiendas.

FABULA VII.

CANIS, ET LUPUS.

Quam dulcis sit libertas, breviter proloquar.
 Cani perpasto (1) macie confectus (2) Lupus
 Forte occurrit: salutantes (3) dein invicem
 Ut restiterunt: unde sic, quaeso, nites (4);
 5 Aut quo cibo fecisti tantum corporis (5)?
 Ego, qui sum longe fortior, pereo fame.
 Canis simpliciter (6): Eadem est conditio tibi,
 Praestare domino si par officium (7) potes.
 Quod? inquit ille: Custos ut sis liminis,
 10 A furibus tuearis, et noctu domum.
 Ego vero (8) sum paratus: nunc patior nives,

Im-

(1) *Perpasto*. *Praepasto* legit Salmasius, quod explicat *praepingui*, idest valde pingui.

(2) *Confectus*. Is dicitur *confectus*, cujus vires plane deminutae sunt. Ita Cic. de Catilina ait *fame, frigore, inopia rerum confectum*.

(3) *Salutantes*. Absolute pro *se salutantes*.

(4) *Nites*. De iis dicitur, quorum pellis distenta splendet. Hinc *equi nitidi* apud Virg. *jumenta nitida* apud Cornel. *juvenca nitens* apud Ovid.

(5) *Fecisti tantum corporis*. *Facere corpus* est nitidum, beneque curata cute fieri. Huic contrarium *corpus amittere*, id est macrescere.

(6) *Simpliciter*. Aperte, absque dolo. Ita *simplicitas* dicitur candor ille, ac sinceritas nullis difficultatibus, atque ambagibus involuta.

(7) *Officium*. Hic ministerium, vel operam domino debitam significat.

(8) *Vero*. Particula ad promptum animum significandum aptissima.

- Imbresque, in silvis asperam vitam trahens :
 Quanto est facilius mihi sub tecto vivere,
 Et otiosum largo satiari cibo ?
 15 Veni ergo mecum. Dum procedunt, aspicit
 Lupus a catena collum detritum (1) Canis,
 Unde hoc, amice ? nihil est (2). Dic, quaeso
 Quia videor acer (4), alligant me interdiu,
 Luce ut quiescam, et vigilam, nox quum venerit.
 20 Crepusculo (5) solutus, qua visum est, vagor.
 Adfertur ultro panis; de mensa sua
 Dat ossa dominus: frusta jactat familia,
 Et, quod fastidit quisque, pulmentarium (6):
 Sic sine labore venter impletur meus.
 25 Age si quo abire est animus, est licentia?
 Non plane est, inquit. Fruere, quae laudas, Canis:
 Regnare nolo, liber ut non sim mihi (7).

d 2

FA-

(1) *A catena collum detritum*. Hujusmodi canes Seneca vocat *catenarios*.

(2) *Nihil est*. Ea formula *nihil est* videtur esse illorum, qui rogati de re parum grata respondent dissimulando, vel extenuando.

(3) *Tamen*. Particula elegantissima, et vim habet validius orandi.

(4) *Acer*. Ferox: talem canem Columella vocat *catenatum janitorem*.

(5) *Crepusculo*. Vespere post occasum solis.

(6) *Pulmentarium*. Quidquid ad panem datur. Proprie tamen dicitur *puls*, vel cibus pulvis in modum factus.

(7) *Liber ut non sim mihi*. Placuit lupo poetae sententia:

Alterius ne sit, qui suus esse potest.
 Illud vero mihi eleganter abundat.

F A B U L A VIII.

FRÄTER , ET SOROR.

Praecepto monitus , saepe te considera.

Habebat quidam filiam turpissimam (1) ,

Itidemque insigni et pulchra facie filium.

4 Hi speculum in cathedra matris (2) ut positum fuit,
 5 Pueriliter ludentes , forte inspexerant.

Illic se formosum jactat , illa irascitur ,

Nec gloriantis sustinet fratris jocos ,

Accipiens (quid enim ? (3)) cuncta in contumeliam.

Ergo ad patrem cucurrit , laesura invicem ,

10 Magnaque invidia criminatur filium ,
 Vir natus (4) quod rem foeminarum (5) tetigerit.

Amplexus utrumque ille , et carpens oscula (6) ,

Dulcemque in ambos caritatem partiens (7) :

15 Quo-

(1) *Turpissimam.* *Turpitudine* , uti et *honestas* proprie quidem de animo hominis , saepe tamen etiam de corporis forma dicitur.

(2) *In cathedra matris* . Foeminae maxime cathedris utebantur tum domi tum foris . Cathedrae porro domi erant *scamna cervicalibus stratis* , uti Interpres docet , fortasse illae , quas *cathedras supinas* appellat Plinius , *le poltrone* . Non itaque de sella gestatoria intelligendum videtur , qua nonnisi in publico mulieres utebantur.

(3) *Quid enim ?* Id est , *quare non ?*

(4) *Vir natus.* Com virilis sit sexus.

(5) *Res foeminarum.* Speculum scilicet , et alias id genus nugae , quibus mulierculae utuntur.

(6) *Et carpens oscula.* Quod alias *delibare* dicitur.

(7) *Partiens.* Partem unicuique suam tribuens.

- 15 Quotidie, inquit, speculo vos uti volo,
 Tu formam ne corrumpas nequitiae malis:
 Tu faciem ut istam moribus vincas bonis.

F A B U L A IX.

SOCRATES AD AMICOS.

- Vulgare amici nomen, sed rara est fides (1).
 Quum parvas aedes (2) sibi (3) fundasset Socrates.
 (Cujus non fugio mortem, si famam adsequar,
 Et cedo invidiae, dummodo absolvar cinis (4)).
 5 E populo sic nescio quis, ut fieri solet:
 Quaeso, tam angustam (5) talis vir ponis domum?
 Utinam, inquit, veris hanc amicis impleam!

d 3

FA-

(1) *Sed rara est fides*. Sunt quidem apud omnes querelae frequentissimae de paucitate amicorum, et de sublesta plurimorum fide.

(2) *Quum parvas aedes*. Historia haec est, non fabula.

(3) *Sibi*. In suos privatos usus constituisset.

(4) *Absolvar cinis*. Scilicet post mortem. Respicit vero ad morem, quo cadavera rogo imposita in cineres convertebantur.

(5) *Tam angustam*. Verissime atque eleganter in hanc rem Tullius de Off. *Ornanda est dignitas domo, non ex domo dignitas tota quaerenda; nec domo dominus, sed domino domus honestanda.*

FABULA X.

POETA DE CREDERE ET NON CREDERE (*).

- Periculosum est credere, et non credere.
 Utriusque exemplum breviter exponam rei.
 Hippolytus obiit, quia novercae (1) creditum est;
 Cassandrae (2) quia non creditum, ruit Ilium.
 5 Ergo exploranda est (3) veritas multum prius,
 Quam stulta prave judicet sententia.
 Nil spernat auris, nec tamen credat statim:
 Quandoquidem et illi peccant, quos minime putes;
 Et qui non peccant, impugnantur fraudibus.
 10 Hoc admonere simplices etiam potest,
 Opinione alterius ne quid ponderent:
 Ambitio namque dissidens mortalium
 Aut gratiae subscribit (4), aut odio suo.
 Erit illè notus, quem per te (5) cognoveris.
 15 Haec paucis exsequutus sum ideo versibus;
 Dicendi aures ne offendamus licentia.

FA-

(*) Haec fabula, ut parum pudica, ad vivum resecta adolescentulis datur.

(1) *Novercae*. Nomen novercae fuit Phaetra.

(2) *Cassandrae*. Priami regis Trojanorum filiae, quae saepius excidium Trojae praedixerat.

(3) *Exploranda est*. Explorare est diligentius investigare. Vulgare autem Jurisconsultorum dictum *prae-
 cipitantiam esse novercam justitiae*.

(4) *Subscribit*. *Subscribere* (verbum e foro desumptum) ii dicuntur, qui sequuntur alios, eorumque sententiam accessione sua firman. Hinc *subscriptores* dicebantur illi, qui accusatori se socios addebant.

(5) *Per te*. Tuo scilicet studio, non ex notitia aliorum.

FABULA XI.

EUNUCHUS AD IMPROBUM.

Hanc fabulam, ut pueris parum pudicam e medio sustulimus.

FABULA XII.

PULLUS AD MARGARITAM.

In sterquilinio pullus gallinaceus
 Dum quaerit escam, margaritam (1) repperit.
 Jaces indigno, quanta res (2), inquit, loco!
 O si quis pretii cupidus vidisset tui!
 5 Olim redisses ad splendorem (3) maximum.
 Ego qui te inveni (4), potior (5) cui multo est cibus?
 Nec tibi prodesse, nec mihi quicquam potes (6).
 Hoc illis narro, qui me non intelligunt.
 d 4 FA-

(1) *Margaritam*. Servius Aeneid. l. V. 659. *Gemmam, et margaritam multi sane separant, ut Cicero: Nullam gemmam aut margaritam. Et gemmas volunt dici diversi coloris, margaritas vero albas: vel gemmas integras, margaritas pertusas.*

(2) *Quanta res*. Quanti pretii.

(3) *Redisses ad splendorem*. Nimirum si mundo cultuque muliebri fuisses. Margaritis magnitudine praecellentes mulieres Romanae *elenchos* appellabant.

(4) *Qui te inveni*. Hoc loco *qui est quomodo*, ut si d cat: quomodo factum est, ut ego te invenerim?

(5) *Potior*. Melior, utilior.

(6) *Potes*. Elliptice: integre sic; *nec ego possum prodesse tibi, nec tu prodesse potes mihi.*

FABULA XIII.

APES, ET FUCI VESPA JUDICE.

Apes in alta quercu fecerant favos (1):
 Hos fuci inertes (2) esse dicebant suos.
 Lis ad forum deducta est (3), Vespa Judice:
 Quae genus utrumque nosset quum pulcherrime (4),
 5 Legem duabus hanc proposuit partibus (5):
 Non inconueniens corpus, et par est color,
 In dubium plane res ut merito venerit.
 Sed ne religio (6) peccet imprudens (7) mea,
 Alveos accipite, et ceris opus (8) infundite,
 10 Ut ex sapore mellis, et forma favi,

De

(1) *Favos*. Apum domos, quae cellulae erant hexagonae, idest sex angulos habentes. *Favi* autem a foven-
 do videntur dicti, quod sobolem foveant.

(2) *Fuci inertes*. *Fuci* apibus persimiles, corpore tantum grandiores non mellificando nati, sed alimenta ab apibus congesta consumere. Hinc a Phaedro *inertes*, et a Virgilio *pecus ignavum* dicti. Inimicitiae apum cum fucis sunt omnibus notissimae.

(3) *Ad forum deducta est*. Ad iudicium. Ita Cic. pro Flacco *deducere ad iudicium* dixit.

(4) *Pulcherrime*. Optime.

(5) *Partibus*. Qui litigant etiam nunc *partes* dicuntur. *Pars diversa*, vel *adversa* apud Quintilianum, *la parte contraria*.

(6) *Religio*. Iudicibus religio tribuitur; iurati enim iudicant.

(7) *Imprudens*. Per imprudentiam, si minus omnia providero.

(8) *Opus*. Mel intelligit, et per *ceras* mellis receptacula.



De queis nunc agitur (1), auctor (2) horum appareat.
 Fuci recusant: Apibus conditio placet.
 Tunc illa talem sustulit sententiam (3):
 Apertum est quis non possit, aut quis fecerit.
 15 Quapropter Apibus fructum restituo suum.
 Hanc praeteriissem fabulam silentio,
 Si pactam Fuci (4) non recusassent fidem.

FABULA XIV.

AESOPUS LUDENS.

Puerorum in turba quidam ludentem Atticus (5)
 Aesopum nucibus quum vidisset, restitit, (6)
 Et quasi delirum risit. Quod sensit simul (7)
 Derisor potius, quam deridendus senex,

5 Ar-

(1) *De queis nunc agitur*. Hoc petitum ex formulis
 iudiciorum. Solebant enim veteres in actionis formula
 illud addere, *qua de re agitur*, vel *quo de agitur*.

(2) *Auctor*. Dicitur *auctor* proprie is, qui primus
 aliquid invenit, instituit, facit.

(3) *Sustulit sententiam*. Pro tulit compositum pro
 simplici: sed nullus alius sic fuisse videtur locutus.
 Hinc Gudius legit ex conjectura: *Tunc lata litem su-*
sstulit sententia.

(4) *Fuci*. Vani homines, qui versus meos sibi vindi-
 carunt. Vde Freinshemium ad hanc fabulam de versi-
 bus Virgilii, quos fucus aliquis sibi arrogaverat.

(5) *Atticus*. Atheniensis quidam.

(6) *Restitit*. Substitit, ut solent admirantes rem in-
 solitam.

(7) *Simul*. Pro *simulac*, locutio optimi aevi scripto-
 rum confirmata exemplo.

- 5 Arcum retensum (1) posuit in media via :
 Hecus, inquit, sapiens, expedi (2) quid fecerim.
 Concurrit populus; ille se torquet diu,
 Nec quaestionis positae causam intelligit.
 Novissime succumbit (3). Tum victor sophus (4):
 10 Cito rumpes arcum (5), semper si tensum habueris;
 At si laxaris, quum voles, erit utilis (6).
 Sic ludus animo debet aliquando dari,
 Ad cogitandum melior (7) ut redeat tibi.

FA-

(1) *Arcum retensum*. Arcum retensum proprie dicimus, cui chorda remissa est; *intensum* contra, cui distenta est.

(2) *Expedi*. Expone: ita solent Latini dicere de rebus obscuris, explicatuque difficilibus.

(3) *Succumbit*. Absolute pro *superatur*.

(4) *Victor sophus*. Aesopus: dicitur *victor*, quia quod ipse in medio posuerat, alter interpretari non poterat. *Sophus* autem vox Graeca est latinitate donata, quae sapientem significat.

(5) *Cito rumpes arcum*. Vide Brasmum Proverb. *Arcus tensus rumpitur*

(6) *Erit utilis*. Eo uti poteris.

(7) *Melior*. Promptior, aptior. Videtur hanc fabulam scripsisse Phaedrus, ut Augustum defenderet inter graves imperii curas otiosi solitum. Refert enim Suet. in ejus vita c. 13. *Animi laxandi causa modo piscabatur hamo, modo talis, aut ocellatis nucibusque ludebat cum pueris.*

FABULA XV.

CANIS AD AGNUM.

Inter Capellas Agno balanti (1) canis,
 Stulte, inquit, erras; non est hic mater tua:
 Ovesque segregatas ostendit procul.
 Non illam quaero (2), quae, quum libitum est,
 concipit;

- 5 Dein portat onus ignotum certis mensibus;
 Novissime prolapsam effundit sarcinam:
 Verum illam, quae me nutrit, admoto ubere (3),
 Fraudatque natos lacte, ne desit mihi.
 Tamen illa est potior (4) quae te peperit. Non
 ita est.

- 10 Unde illa scivit niger, an albus (5) nascerer?
 Age porro scisset: quum crearer masculus,
 Beneficium (6) magnum sane natali dedit,
 Ut expectarem lanium in horas singulas.

Cu-

(1) *Balanti*. Matris desiderio.

(2) *Non illam quaero*. Sunt haec Agni verba ad Canem.

(3) *Admoto ubere*. Praebito, porrecto. *Uber admovit infantibus*. Florus. Ita Ovid. in Ibin. *Qui simul impura matris prolapsus ab alvo est*.

(4) *Potior*. Respectu juris: vult enim plus deberi iis, a quibus nascimur, quam a quibus alimur.

(5) *Niger, an albus*. Ex noto proverbio latinorum: *albus an ater sis nescio*. Ad id spectat Plautinum illud: *nullius coloris aliquem nosse*.

(6) *Beneficium*. Ironice.

Cujus (1) potestas nulla in gignendo fuit,
 15 Cur hac sit potior, quae jacentis (2) miserita est,
 Dulcemque sponte praestat benevolentiam (3)?
 Facit parentes (4) bonitas, non necessitas.
 Hic demonstrare voluit auctor versibus,
 Obsistere homines legibus, meritis capi.

FABULA XVI.

CICADA, ET NOCTUA.

Humanitati qui se non accommodat (5),
 Plerumque poenas oppetit (6) superbiae.
 Cicada acerbum noctuae convicium
 Faciebat (7), solitae victum in tenebris quaerere,
 5 Cavoque ramo capere somnum interdiu.
 Rogata est, ut taceret: multo validius

Cla-

(1) *Cujus potestas*. Ordo est: Cur ea, potestas cujus fuit nulla in gignendo, sit potior hac, quae est miserita jacentis?

(2) *Jacentis*. Agni a matre deserti.

(3) *Praestat benevolentiam*. Nimirum e mamma lac sugendum praebendo.

(4) *Facit parentes*. Illi vere sunt parentes, non qui necessitate quadam naturae procreant liberos, sed qui natis vitam sustinent alimentis, et consiliis juvant.

(5) *Accommodat*. *Accommodare se humanitati* est ita studere societati, ut alter alteri placeamus. Graeci dixerunt *φιλοφροσυνα*.

(6) *Oppetit*. Subit: ita *oppetere mortem* dicimus; et *pestem oppetere*. Cic. Tusc. I.

(7) *Convictum faciebat*. Idest clamore obstrepebat. *Acerbum* vero est molestum, et noctuae ingratum.

- Clamare coepit. Rursus admota prece,
 Accensa (1) magis est. Noctua ut vidit sibi
 Nullum esse auxilium, et verba contemni sua,
 10 Hac est adgressa garrulam fallacia:
 Dormire quia me non sinunt cantus tui,
 Sonare (2) cithara quos putes Apollinis:
 Potare (3) est animus nectar (4), quod Pallas
 mihi (5).
 Nupcr donavit: si non fastidis, veni;
 15 Una bibamus. Illa, quae ardebat siti,
 Simul (6) cognovit vocem laudari suam,
 Cupide advolavit. Noctua egressa e cavo.
 Trepidantem consecrata est, et leto dedit.
 Sic viva quod negarat, tribuit mortua.

FA-

(1) *Accensa magis est.* Irritata, concitata ad cantandum.

(2) *Sonare.* Lege melius *sonari*. Hor. Epod. XVII. *Sive mendaci lyra volas sonari.*

(3) *Potare.* Bibere largius per hilaritatem animi ex cantu, sicut solet fieri. Hinc *potus* dicitur ebrius. Cic. pro Mil. *Adde iuscitiam pransi, poti, oscitantis ducis.*

(4) *Nectar.* Potum Deorum.

(5) *Pallas.* Noctua est avis Palladis, ut Aquila Jovis, Pavo Iunonis.

(6) *Simul. Simulac,* ut jam ante monuimus.

F A B U L A XVII.

ARBORES IN DEORUM TUTELA.

Olim quas vellent esse in tutela sua,
 Divi legerunt arbores. Quercus Jovi (1),
 Et myrtus Veneri (2) placuit, Phoebo laurea (3),
 Pinus Cybebae (4), populus celsa Herculi (5).
 5 Minerva admirans, quare steriles sumerent,
 Interrogavit. Causam dixit Jupiter:
 Honore fructum (6) ne videamur vendere.

At

(1) *Quercus Jovi*. Cum Saturni tempore ante Jovem carnibus humanis vescerentur homines, Jupiter vetuit, ne quis eo cibo uteretur, et a carnibus ad glandes convertit. Hinc quercus Jovi sacra creditur.

(2) *Et myrtus Veneri*. Ideo huic numini sacra, quod, ut plurimi volunt, Venus myrto esset ornata, cum iudicio Palladis discessit pulcior Junone, et Pallade.

(3) *Laurea*. Sacra haec arbor Phaebo erat, quia Daphnen, quam ille adamabat, in hanc mutatam ferunt.

(4) *Cybebae*. Huic Deae pinus sacra, quod Atys, quem deperibat, in hanc arborem immutatus fuerat. Vide de Cybebe quid supra docuimus. p. 66.

(5) *Populus Herculi*. Hinc Virgilius in Eclogis.

Populus Alcidae gratissima

Hinc nulla alia ratione credimus heroas populeas gestavisse coronas, quam quod fortissimum Herculem imitari conarentur.

(6) *Honore fructum*. Sensus huius loci is est: eligimus arbores nullos ferentes fructus, ne videamur vendere fructum illarum arborum pro honore, et honorem veluti pecuniam pro fructu recipere.

- At mehercule (1) narrabit (2), quod quis voluerit,
 Oliva (3) nobis propter fructum est gratior.
 10 Tunc sic Deorum genitor atque hominum sator:
 O nata, merito sapiens dicere omnibus:
 Nisi utile est (4), quod facimus, stulta est gloria.
 Nihil agere, quod non prosit, fabella admonet.

FABULA XVIII.

PAVO AD JUNONEM.

- Pavo (5) ad Junonem venit, indigne ferens,
 Cantus Luscini (6) quod sibi non tribuerit:
 Illum esse cunctis auribus admirabilem;
 Se derideri, simul ac vocem miserit (7).
 5 Tunc consolandi gratia dixit Dea:
 Sed forma vincis, vincis magnitudine,

Ni-

(1) *At mehercule*. Sunt verba Minervae refutantis Jovem.

(2) *Narrabit*. Proverbialis locutio hominis propria secure spernentis aliorum judicia.

(3) *Oliva*. Quae Minervae erat sacra. *Oliva* proprie de fructu, *olea* vero de arbore dicitur. At Phaedrus hic pro arbore olivam dixit.

(4) *Nisi utile est*. Stultum est gloriam captare ex facto, quod nullam plane habet utilitatem.

(5) *Pavo*. Avis Junoni sacra.

(6) *Luscini*. *Luscinius* hic a Phaedro dicitur, quae vulgo tantum *Luscinia*. Nam apud Varronem *Luscinius* et *Luscinia*, *Simius*, et *Simia*, *Galeritus*, et *Galerita* pariter leguntur.

(7) *Miserit*. Pro *emiserit*, vocem ediderit.

Nitor smaragdi (1) collo praeſulget tuo ,
 Pictisque plumis gemmeam caudam (2) explicas.
 Quo mi (3), inquit, mutam ſpeciem, ſi vincor ſono?
 10 Fatorum arbitrio partes (4) ſunt vobis datae;
 Tibi forma, vires aquilae, luſcinio melos,
 Augurium corvo, laeva cornici (5) omina,
 Omneſque propriis ſunt contentae dotibus.
 Noli adfectare, quod tibi non eſt datum,
 15 Deluſa ne ſpes ad querelam recidat (6).

FA-

(1) *Nitor smaragdi*. Eſt *smaragdus* gemma quidem viridis coloris; de qua poſt Plinium multis verbis agit Iſidorus in Etymolog.

(2) *Gemmeam caudam*. Rotunditatem *gemmeam* dixit Plinius; *gemmatam caudam* vocavit Statius.

(3) *Quo mi*. Supple *Dii dederunt*; eſt autem formula indignantis: ideo dimidia tantum ſui parte profertur. Ita Hor. lib. 1. Sat. V.

Quo mihi fortunae, ſi non conceditur uti?

(4) *Partes*. Locutio eſt deſumpta a Comicis, ut partes cuique designantur.

(5) *Laeva cornici*. Ita Cic. de Divinat. *A dextra corvus, a ſiniſtra cornix facit rata*.

(6) *Ad querelam recidat*. Id eſt laetitia in luctum evadat. Ita Cic. pro Sylla; *ad luctum reciderunt ex laetitia*. Prima huius verbi producit Phaedrus exemplo nonnullorum.

FABULA XIX.

AESOPUS AD GARRULUM.

Aesopus domino solus (1) quum esset familia,
Parare coenam jussus est maturius.

Ignem ergo quaerens (2), aliquot lustravit domos;
Tandemque invenit, ubi lucernam accenderet:

5 Tum circumeunti fuerat quod iter longius,
Effecit brevius (3): namque recta per forum
Coepit redire; et quidam e turba (4) garrulus:
Aesope, medio sole (5) quid cum lumine?
Hominem, inquit, quaero (6), et abiit festinans
domum.

Tom. III.

e

10 Hoc

(1) *Solus quum esset*. Cum unicus esset ei servus. *Familia* nomen est servitiorum turbam notans. Videtur hoc Phaedrus per jocum dixisse: nam ceteroqui unicus servus non facit familiam.

(2) *Ignem*. Ignem, uti apud nostros, non semper veteres domi excitabant; sed a vicinis plerumque petebant; neque vero facile negare petenti licebat: videtur enim valde ab humanitate esse alienum, et a vita atque hominum natura, quae aqua, et igni carere non potest.

(3) *Effecit brevius*. Per compendia viarum eundo.

(4) *Turba*. Hominum multitudo congregata in foro.

(5) *Medio sole*. Pro meridie dixit, ut *supremo sole* pro vespere.

(6) *Hominem quaero*. Lucerna accensa hominem quarebat Aesopus: usus lucerna ad exploranda hominum vitia. Hoc et a Diogene Cynico factum scribunt.

- 10 Hoc si molestus ille ad animum rettulit,
Sensit profecto, se hominem non visum seni,
Intempestive qui occupato adluserit (1).

F A B U L A XX.

ASINUS ET GALLI (*).

- Qui natus est infelix, non vitam modo,
Tristem decurrit (2), verum post obitum quoque
Persequitur illum dura fati miseria (3).
Galli Cybebes (4) circum in quaestus ducere (5)
5 Asinum solebant, bajulantem sarcinas.
Is quum labore, et plagis esset mortuus,
De-

(1) *Adluserit. Jocari voluerit. Adludens est jocans*
Servius ad illud Virgilii VII.

*Heus etiam mensas consumimus, inquit Iulus;
Nec plura adludens.*

(*) *Galli.* Intellige hic Gallos Cybeles, sive Magnae
Matris deum sacerdotes.

(2) *Tristem.* Laboriosam, atque aerumnosam.

(3) *Fati miseria.* Illam intelligit sempiternam et in-
diclinabilem rerum seriem, quam Crysippus *fatum* de-
finivit.

(4) *Galli Cybebes.* Graecis tam in prorsa, quam in
versa oratione Deum Mater dicta est *Κυβηβη*, et *Κυβηλα*.
Hinc semper, quando secunda syllaba longa occurrit,
scribendum *Cybebe*, nunquam *Cybello*.

(5) *Circum quaestus ducere.* Circum ducere quae-
stus gratia.

- Detracta pelle sibi fecerunt tympana (1).
 Rogati mox a quodam, delicio suo (2),
 Quidnam fecissent, hoc loquuti sunt modo:
 10 Putabat, se post mortem securum fore:
 Ecce aliae plagae (3) congeruntur mortuo (4).

(1) *Tympana*. Erant haec tympana, quibus sollemniter utebantur ex ligneo circulo, cui superinductum ex una solum parte erat corium, illa plane forma, quam exhibuit Laur. Pignorius de servis. Ea Virg. vocat *aera Corybantia*.

(2) *Delicio suo*. Sic *Asinus delictum* dicitur Apulejo: atque in *Copa* inter *Catalecta* Virg.

Huc Calybita veni; fessus jam sudat Asellus:

Parce illi: vestrum delictum est asinus.

(3) *Plagae*. Tympana enim aliquando virgulis percutiebantur, uti docet Pignorius, aliquando impellebantur manu. Ovid. lib. IV *Metam.*

Foemineae voces impulsaque tympana palmis.

(4) *Mortuo*. In mortuum.

LIBER QUARTUS.

FABULA I.

MUSTELA, ET MURES.

JOculare (1) tibi videtur; et sane leve,
 Dum nihil habemus majus, calamo ludimus (2):
 Sed diligenter intueri has nenias (3).
 Quantam sub illis utilitatem reperiās.
 5 Non semper ea sunt, quae videntur: decipit
 Frons prima (4) multos: rara mens (5) intelligit,
 Quod interiore condidit cura angulo (6).
 Hoc ne loquutus sine mercede (7) existimer,
 Fa-

(1) *Jocularē*. Joco risuque dignum.

(2) *Calamo ludimus*. Scriptis jocamur.

(3) *Nenias*. Fabulae dicuntur, quibus mulcentur aures puerorum.

(4) *Frons prima*. Prima species multos fallit.

(5) *Rara mens*. Non vulgaris, sed provida, et sagax.

(6) *Cura angulo*. Curam illam hic intelligit, qua multi sensus animi abdunt, occuluntque; quorum instar esse potest Tiberius a Tacito non uno in loco sic descriptus.

(7) *Sine mercede*. Ad morem puerilem alludit dandi assem ei, qui fabulam narrasset. Sic Plinius Calvisio suo: *Assem para, et accipe auream fabulam*. Loqui vero *sine mercede* idem videtur hic esse, ac gratis et frustra loqui.

Fabella adjiciam de Mustela et Muribus.

- 10 Mustela quum annis et senecta debilis.
Mures veloces non valeret adsequi,
Involvit se farina, et obscuro loco
Abjecit⁽¹⁾ negligenter. Mus, escam putans,
Adsiluit, et compressus⁽²⁾ occubuit neci:
15 Alter similiter, deinde periit tertius.
Aliquot sequutis, venit et retorridus⁽³⁾,
Qui saepe laqueos⁽⁴⁾ et muscipula⁽⁵⁾ effugerat:
Proculque insidias cernens hostis callidi:
Sic, valeas⁽⁶⁾, inquit, ut farina es, quae jaces."

(1) *Abjecit*. Scilicet *se*: eleganter veluti rem vilem, quam idcirco *abjectam* appellamus.

(2) *Compressus*. Alii *compressus*.

(3) *Retorridus*. Idem quod *recoctus*, uti apud Horatium lib. II. Sat. 8. *recoctus scriba*, idest exercitatus, et multarum rerum usu peritus.

(4) *Saepe laqueos*. *Laquei* hic funiculi murilini captandis compositi: proprie vero *laquei* dicuntur retia et plagae, quibus ferae capiuntur. Hinc *laqueus* pro quacunque re sumitur, qua aliquis capi, et irretiri potest. Itaque quaecumque rerum ac verborum difficultates *laquei* dicuntur; unde *laquei actionum*, *laquei juris* ec.

(5) *Muscipula*. Hic *muscipulum* neutro genere: usitatio *muscipula* genere faeminino. *Muscipulum* haud scio an alibi reperias: nisi fortasse dixeris Phaedrum, ut latini *decipulum*, pro *decipula*, ita *muscipulum* pro *muscipula* adhibere voluisse.

(6) *Valeas*. Est idem ac *male pereas*; quo nihil frequentius apud comicos.

F A B U L A II.

VULPIS ET UVA.

Fame coacta Vulpis alta in vinea (1)
 Uvam adpetebat summis saliens viribus:
 Quam tangere ut non potuit, discedens ait:
 Nondum matura est, nolo acerbam (2) sumere.
 5 Qui, facere quae non possunt, verbis elevat (3),
 Adscribere (4) hoc debebunt exemplum sibi.

F A B U L A III.

* EQUUS, ET APER.

Equus sedare solitus quo (5) fuerat sitim,
 Dum sese Aper volutat (6), turbavit vadum.

Hinc

(1) *Alta in vinea*. Erecta, et ad perticas ligata. Quae hic *alta* dicitur, *sublimis* et *jugata* a Varrone dicta.

(2) *Nolo acerbam*. Talis vinea, cujus immaturae adhuc uvae sunt, eleganter *cruda* appellatur, Dig. ad L. Aquil. et vinum hisce uvis confectum *crucium*, id est insuave a Lucilio dictum.

(3) *Verbis elevat*. Levia esse dicunt, contemnant.

(4) *Adscribere*. Applicare, attribuere sibi exemplum. *Exemplum* hic, ut alibi, pro fabula sumitur.

(*) Hac fabula Stesichorum praestantissimum poetam primum usum fuisse adversus Phalarim tyrannum illum immanitate nobilem, refert. Arist. 11. Rhetor.

(5) *Quo*. Relativum hic ponitur ante nomen *vadum*, cui refertur.

(6) *Aper volutat*. Hoc proprium de sue. Plinius lib. VIII. de suibus. *Volutatio in luto generi grata*.

- Hinc orta lis est : sonipes (1) iratus fero (2),
 Auxilium petiit hominis, quem dorso levans
 5 Rediit ad hostem. Jactis hunc telis eques
 Postquam interfecit, sic loquutus traditur:
 Laetor tulisse auxilium me precibus tuis:
 Nam praedam cepi, et didici quam sis utilis.
 Atque ita coegit frenos invitum pati.
 10 Tum moestus ille: Parvae vindictam rei
 Dum quaero demens, servitutem repperi (3).
 Haec iracundos admonebit fabula,
 Impune potius laedi (4), quam dedi alteri.

F A B U L A IV.

AESOPUS INTERPRES TESTAMENTI PATERNI
 INTER LIBEROS, ET MATREM.

Hanc fabulam, ut turpiculam expunximus.

e 4

FA-

(1) *Sonipes*. Sic equus passim apud poetas. *Stat sonipes*. Virg. lib. IV. *Turbatus sonipes*. Statius lib. IX.

(2) *Fero*. Hic *ferum* pro apro, ut *ferum* pro cervo dixit lib. I. fab. 12.

(3) *Servitutem repperi*. Incidi in servitutem.

(4) *Impune potius laedi*. Potius hoc est melius sine ultione laedi, quam vindicandi gratia in alterius potestatem venire.

F A B U L A V.

PUGNA MURIUM, ET MUSTELARUM.

Quum victi Mures Mustelarnm exercitu,
 (Historia quorum in tabernis pingitur(1))
 Fugerent, et artos(2) circum trepidarent(3) cavos
 Aegre recepti(4), tamen evaserunt necem.
 5 Duces eorum, qui capitibus cornua
 Suis ligarant, ut conspicuum in praelio
 Haberent signum(5), quod sequerentur milites,
 Haesere in portis, suutque capti ab hostibus;
 Quos immolatos(6) victor avidis dentibus
 10 Capacis alvi mersit tartareo specu.
 Quemcumque populum(7) tristis eventus premit
 Pe-

(1) *Tabernis pingitur*. *Tabernae* hic intelliguntur omnes quae sunt popularis usus: uti explicat Nonius Marcellinus: quamquam Nonii aetate per tabernas intelligebant oenopolia, idest tabernas vinarias.

(2) *Artos cavos*. Hor. I. Ep. 7. Mustela ad vulpem: *Macra cavum repetes artum, quem macra subisti*.

(3) *Trepidarent*. Idest festinarent, teste Servio.

(4) *Aegre recepti*. Cum difficultate et labore. *Recepti*, usurpatur haec vox de loco tuto.

(5) *Signum*. Notam, qua duces a gregariis discernerentur.

(6) *Quos immolatos*. Hic et alter versus sunt tragicae majestatis: cujus generis versus cum humilioribus intermiscerentur, nulla res est, quae ad ridiculum faciat magis. Sic Plautus nonnunquam, Horatius quoque in Satyris et Epistolis eadem arte saepe usus est.

(7) *Quemcumque populum*. Sive sub rege riventem, sive in republica liberum.

Periclitatur magnitudo principum :
Minuta plebes (1) facili praesidio latet.

F A B U L A VI.

POETA.

Tu, qui nasute (2) scripta destringis mea ,
Et hoc jocosum legere fastidis genus ,
Parva (3) libellum sustine patientia ,
Severitatis frontem dum placo tuae ,
5 Et in cothurnis (4) prodit Aesopus novis.
Utinam nec unquam (5) Pelii nemoris jugo ,
Pi-

(1) *Minuta plebes*. Veteri more pro *plebs*. *Minuta* vero humilis , et sordida. Sic Petronius. *Itaque populus minutus laborat*.

(2) *Nasute*. Non adverbium est, sed vocativus. *Nasutus* vero non est aliis sagacior errorum et vitiorum odorator , quam derisor : quem *habere nasum* Latini dicunt. Sic *stylus nasum* Lucilius condidisse a Plinio dicitur.

(3) *Parva*. Pro *brevi* : sicut *parva mora* , *parvo tempore* apud Ovidium.

(4) *Et in cothurnis*. Donec Aesopus prodeat in cothurnis , id est donec novo et tragico sermone utentem eum audias. Vocat *novum* , quippe Aesopo fabulisque ejus inusitatum . *Cothurnus* autem erat calceamenti genus , quo tragoediarum actores utebantur. Hic vero pro sublimiori dicendi genere usurpatur.

(5) *Utinam nec unquam*. Simulat se scripturum tragoediam , utiturque exordio , quo Ennius in translatione Medae Euripidis :

*Utinam nec in nemore Pelio securibus
Caesa cecidisset abjuncta ad terram trabes.*

- Pinus bipenni concidisset Thessala :
 Nec ad professae mortis (1) audacem viam
 Fabricasset Argus (2) opere Palladio (3) ratem,
 10 Inhospitalis (4) prima quae Ponti sinus
 Patefecit, in perniciem Grajûm, et Barbarûm.
 Namque et superbi luget Aetæ (5) domus,
 Et regna Peliae scelere Medæe jacent (6),
 Quæ sævum ingenium variis involvens modis,
 15 Illic per artus fratris (7) explicuit fugam,
 Hic caede Patris (8) Peliadum infecit manus.
 Quid tibi videtur? (9) Hoc quoque infulsum est, ais,
 Falsoque dictum; longe quia vetustior

Aegea

(1) *Professae mortis*. Navigatio nihil aliud est, quam mortis quaedam professio : merito igitur Propert. lib. III. Eleg. V.

Itæ rates curvæ, et leti quoque texite causas.

Ista per humanas mors venit acta manus.

(2) *Argus*. Danaï filius, navis illius artifex, qua vectus Jason ad vellus aureum a Colchide deportandum. Gubernator hujus navigii Tiphys fuit.

(3) *Opere Palladio*. Eleganter pro opere et labore Palladis : fingitur enim ipsa arbores ad eam fabricandam necessarias dejecisse.

(4) *Inhospitalis*. Proprie. Nam ab antiquis *Axenus*: deinde *Euxinus* idest *hospitalis* omnis boni causa dictus.

(5) *Aetæ*. Patris Medæe.

(6) *Jacent*. Eversa sunt, multis malis in patriam domum per Medeam illatis.

(7) *Fratris*. Absyrti. Vide Ovid., et Tullium pro leg. Manil.

(8) *Caede Patris*. Pelias fraude Medæe a filiabus suis interemptus. Ovid. Metam. VII. 4.

(9) *Quid tibi videtur?* Formula elegans, quasi consultantis, et exprobatiori respondentis. Terent. in Andria. *Quid tibi videtur? Adeone ad eum?*

- Aegea Minos (1) classe perdomuit freta,
 20 Justoque vindicavit exemplo impetum (2).
 Quid ergo possum facere tibi, lector Cato (3),
 Si nec fabellae (4) te juvant, nec fabulae?
 Noli molestus esse omnino litteris,
 Majorem exhibeant ne tibi molestiam.
 25 Hoc illis dictum est, si qui stulti nauseant
 Et, ut putentur sapere, coelum vituperant (5).

F A B U L A VII.

VIPERA, ET LIMA.

Mordaciorem qui improbo dente (6) adpetit,
 Hoc argumento se describi sentiat.

In

(1) *Aegea Minos*. Rex Cretensium Aegeum mare classe transiit.

(2) *Impetum*. Incursum piratarum intelligit Schefferus: alii vero, quod magis probamus, necem Androgei filii sui, quem Athenienses interfecerant.

(3) *Lector Cato*. Lectorem nasutum proverbiali more *Catonem* vocat. Hujus enim nota erat severitas, omnia ad exactam lancem perpendentis.

(4) *Si nec fabellae*. Per *fabellas* scripta minoris pretii intellige, quales Aesopiae videri poterant, per *fabulas* vero scripta majori pretio habenda, quales Tragoediae.

(5) *Caelum vituperant*. Proverbiale est. *Αυδipραὶ τοὶ οὐρανοὶ*. *Reprehendere caelum ipsum*. De iis nempe dicitur, qui prae nimia sapientia, vel potius stultitia pulcherrima etiam atque absolutissima carpere non dubitant.

(6) *Improbo dente*. Saevo, violento.

- In officinam Fabri venit Vipera.
 Haec quum tentaret, si qua res esset cibi (1),
 5 Limam momordit: illa contra contumax,
 Quid me, inquit, stulta dente captas (2) laedere,
 Omne adsuevi ferrum quae corrodere?

F A B U L A VIII.

* VULPIS, ET HIRCUS.

- Homo in periculum simul ac venit, callidus
 Reperire effugium alterius quaerit malo (3).
 Quum decidisset Vulpis in puteum inscia,
 Et altiore clauderetur margine (4):
 5 Devenit Hircus sitiens in eundem locum:
 Simul rogavit, esset an dulcis liquor,
 Et copiosus? Illa fraudem moliens:
 Descende, amice, tanta bonitas est aquae:
 Voluptas ut satiari non possit mea.
 10 Immisit se barbatus (5); tum Vulpecula

Eva-

(1) *Si qua res esset cibi*. Pro *si quis esset cibus*. Nil Graece crebrius praesertim apud Atticos. Sic *res voluptatum* pro voluptatibus dixit Plautus in Amphitr.

(2) *Captas*. Conaris, tentas.

(3) Narrat hanc fabulam Max. Planudes Fab. 4.

(4) *Quaerit malo*. Periculo alterius quaerit opem.

(4) *Margine*. Quod ripa in flumine, id margo in puteo dicitur.

(5) *Barbatus*. Elegans est, animalibus ab ea parte corporis, qua maxime cognoscuntur, nomen imponere, quod Phaedro familiare. Sic *auritulus* pro *asino*; *bi-dens* pro *ove*; *sonipes* pro *equo*.

Evasit puteo, nixa celsis cornibus:
Hircunque clauso liquit haerentem vado (1),

F A B U L A IX.

DE VITIIS HOMINUM.

Peras (2) imposuit Jupiter nobis duas:
Propriis repletam vitiis (3) post tergum dedit;
Alienis ante pectus suspendit gravem.
Hac re videre nostra mala non possumus:
5 Alii simul delinquant, censores sumus.

F A B U L A X.

FUR ARAM COMPILANS.

Lucernam fur accendit ex ara Jovis,
Ipsumque compilavit (4) ad lumen suum.
Onustus qui (5) sacrilegio quum discederet, Re-

(1) *Herentem vado*. Similiter de navibus *haerere in vado* dixit Florus. Sed putei fundum *vadum* dicere Phaedro peculiare est.

(2) *Peras*. *Pera* est sacculus ex aluta, quem e collo ad humeros pendentem ferunt pastores.

(3) *Repletam vitiis*. Catul.

... *Suus cuique attributus est error;*

Sed non videmus manticae quod in tergo est.

(4) *Compilavit*. Expoliavit.

(5) *Qui*. Miramur viros doctos non advertisse hunc versum syllaba abundare; ac proinde putamus voculam *qui* impune eradi posse, recta sibi nihilominus constante sententia.

- Repente vocem sancta misit religio (1):
 5 Malorum quamvis ista fuerint munera (2):
 Mihique invisa, ut non offendar subripi,
 Tamen, sceleste, spiritu culpam lues,
 Olim quum adscriptus (3) venerit poenae dies.
 Sed ne ignis noster facinori praeluceat,
 10 Per quem verendos excolit pietas Deos,
 Veto esse tale luminis commercium (4).
 Ita hodie nec lucernam de flamma Deum,
 Nec de lucerna fas est accendi sacrum (5).
 Quot res contineat hoc argumentum utiles,
 15 Non explicabit alius, quam qui repperit (6).
 Significat primo, saepe, quos ipse alueris,
 Tibi inveniri maxime contrarios.
 Secundo ostendit, scelera non ira Deum,
 Fatorum dicto sed puniri tempore.
 20 Novissime interdicit, ne cum malefico
 Usum bonus consociet (7) ullius rei.

FA-

(1) *Religio*. Deus. *Vocem* vero *mittere* pro *loqui* Tullianum est.

(2) *Munera*. Donaria, quae vulgo diis dari, atque in templis eorum suspendi solebant.

(3) *Adscriptus*. Scriptus a fati.

(4) *Commercium*. Usum.

(5) *Sacrum*. *Sacrum* pro sacrificio, vel hostia positum. Ad sacra autem fere perpetuum ignem in aede sacra alebant veteres.

(6) *Qui repperit*. Phaedrus ipse fabulae auctor.

(7) *Consociet*. Commencium cum malefico habeat. In hanc rem ille Menandri versiculus, quem usurpat Apostolus I. Cor. v. 15.

Θυμουντι εἰς τὴν χρεῖαν ὁμιλίας κακῆς

Corrumpunt bonos mores colloquia prava.

F A B U L A XI.

MALAS ESSE DIVITIAS.

Opes invisae (1) merito sunt forti viro,
 Quia dives arca (2) veram laudem intercipit.
 Coelo receptus propter virtutem Hercules,
 Quum gratulantes persalutasset Deos,
 5 Veniente Pluto, qui fortunae est filius,
 Avertit oculos. Causam quaesivit Pater (3).
 Odi, inquit, illum, quia malis amicus est,
 Simulque objecto cuncta corrumpit lucro (4).

F A B U L A XII.

LEO REGNANS.

Vtilius homini nihil est, quam recte loqui (5);
 Probanda cunctis est quidem sententia,
 Sed

(1) *Opes invisae*. Aelianus in Hist. Var. ostendit optimos Graecos fuisse pauperrimos.

(2) *Dives arca*. Summae opes.

(3) *Pater*. Jupiter, qui Herculem ex Alcmona procreavit.

(4) *Corrumpit lucro*. Propert. lib. III.

Auro pulsa fides: auro venalia jura;

Aurum lex sequitur; mox sine lege pudor.

(5) *Recte loqui*. Sine ambagibus, ut simplices solent. Sic apud Plantum Captiv. v. 2. *Recta et vera loquere:* ubi Hegio ad servum: *Si eris verax, tua ex re facies, ex mala meliusculam.*

Sed ad perniciem solet agi (1) sinceritas.

Quum se ferarum regem fecisset Leo ,

5 Et aequitatis vellet famam consequi ,

A pristina deflexit consuetudine ,

Atque inter illas (2) tenui contentus cibo ,

Sancta incorrupta jure reddebat fide :

F A B U L A XIII.

Hanc fabulam Poenitentiae nomine fortasse donatam , uti mutilam , atque in iis , qui supersunt versibus obscenitate redolentem expungendam duximus.

F A B U L A XIV.

PROMETHEUS.

Fabula , cui nomen Prometheus , ne puerorum innocentiae offensioni sit , deleta est.

FA-

(1) *Solet agi*. Verbum *agi* singulari significato ponitur pro impelli , trahi a potentibus scilicet , et violentis.

(2) *Inter illas*. Feras , quarum rex erat.

F A B U L A XV.

CAPELLAE ET HIRCI.

Barbam Capellae quum impetrassent ab Jove ;
 Hirco moerentes indignari coeperant,
 Quod dignitatem foeminae (1) aequassent suam :
 Sinite, inquit, illas gloria vana frui,
 5 Et usurpare (2) vestri ornatum muneris ;
 Pares dum non sint vestrae fortitudinis.
 Hoc argumentum monet, ut sustineas (3) tibi
 Habitu esse similes, qui sunt virtute imparés.

F A B U L A XVI.

GUBERNATOR ET NAUTAE.

Quum de fortunis (4) quidam quereretur suis,
 Aesopus finxit consolandi gratia.

Tom. III.

f

Vc-

(1) *Foeminae*. Liviam hic intelligi suspicatus est Gajetus ; neque extra veri speciem : quin aliae plures sub Tiberio potentes fueré, quarum scelera, et impotentiam Tacitus narrat.

(2) *Usurpare*. *Usurpare* hoc loco est contra jus re aliqua uti. Ceterum de hujus vocis significato vide Sanctium in Minerva sua, et doctissimum ejus interpretem Perizonium.

(3) *Sustineas*. Absolute positum pro *patiaris*.

(4) *De fortunis*. Accipe hic *fortunas* in plurali numero pro *fortuna*, idest conditione, Sic Terent. in Andr. *Laudare fortunas meas*.

- Vexata saevis navis tempestatibus,
 Inter vectorum lacrymas, et mortis metum,
 5 Ferri secundis tuta coepit flatibus,
 Nimiaque nautas hilaritate extollere,
 Faciem ad serenam subito ut mutatur dies.
 Factus periclo tum gubernator sophus (1);
 Parce gaudere oportet, et sensim (2) queri:
 10 Totam quia vitam (3) miscet dolor, et gaudium.

FABULA XVII.

CANUM LEGATI AD JOVEM.

Canes (4) legatos olim misere ad Jovem,
 Melioris vitae tempus oratum suae,
 Vt sese eriperet hominum contumeliis,
 Furfuribus sibi conspersum (5) quod panem darent,
 5 Fi-

(1) *Sophus*. Philosophum interpretatur Schaefferus. Sed posses fortasse melius hanc vocem latine *doctum* reddere. Ita Claud. Bello Get. *doctum navis magistrum* vocat: id est qui doctus periculo fit.

(2) *Sensim*. Moderate.

(3) *Totam quia vitam*, Seneca:

*Nulla sors longa est: dolor, et voluptas
 Invicem cedunt: brevior voluptas.*

(4) *Canes*. Huic non dissimilem refert fabulam de Asinis Camerarius.

(5) *Furfuribus conspersum*. Idest panem sordidum: sic enim appellabant, quem canibus objiciebant. Juven. Sat. V.

... Sordes farris mordere cantini.

Ubi

- 5 Fimoque turpi maximam explerent famem.
 Profecti sunt legati non celeri pede.
 Dum naribus scrutantur escam, in stercore.
 Citati non respondent (1): vix tandem invenit
 Eos Mercurius, et turbatos (2) adtrahit.
 10 Tum vero vultum magni (3) ut viderunt Jovis,
 Totam timentes concacaverunt regiam.
 Propulsi vero fustibus, vadunt foras:
 Vetat dimitti magnus illos Jupiter.
 Mirati, sibi legatos non revertier (4),
 15 Turpe aestimantes (5) aliquid commissum a suis:
 Post aliquod tempus alios adscribi iubent.
 Rumor legatos superiores prodidit (6):
 Timentes rursus aliquid ne simile accidat,
 Odore (7) canibus caudam sed multo replent.
 20 Abeunt. Rogantes aditum, continuo impetrant.
 Consedit genitor tum Deorum maximus,
 Quassatque fulmen: tremere coepere omnia.
 Canes confusi, subito quod fuerat fragor,

f 2

Re-

Ubi vetus Interpres: *panis sordidus canum est*. Hunc panem *caniceum* appellat Pacuvius, et *canicas* de farre furfures a cibo canum ita vocatas docet Festus. Multa porro de eo pane Pignorius.

(1) *Citati non respondent*. Hoc dicebatur ex formulis et verbis juris *citatum respondere*, vel *non respondere*, scilicet ad vocem praetoris.

(2) *Turbatos*. Quod tam negligentes fuissent officii, ut requiri debuissent a Mercurio.

(3) *Magni*. Proprium Jovis cognomen.

(4) *Revertier*. *Reverti* per paragonem.

(5) *Aestimantes*. Existimantes. Ita lib. III. Fab. IV.

Ridicule magis hoc dictum, quam vere aestimo.

(6) *Prodidit*. Palam fecit, quam turpiter se in Jovis regia gessissent.

(7) *Odore*. Aromatibus.

- Repete odorem mixtum cum merdis cacant.
 25 Reclamant omnes vindicandam injuriam.
 Sic est locutus ante poenam Jupiter:
 Legatos non est regis (1) non dimittere;
 Nec est difficile poenas culpa imponere:
 Stet hoc (2) (feretis pro justitia (3) praemium)
 30 Non cito dimitti, verum cruciari fame,
 Ne ventrem continere non possint suum:
 Illi autem, qui miserunt hos tam futiles (4),
 Nunquam carebunt hominis contumelia:
 Mandantur antro, non dimittuntur statim.
 Ita nunc legatos canis expectans posteros
 Novum (5) venire cum videt canem olfacit,

FA-

(1) *Non est regis*. Regi non fas est legatos non mittere, ne jus gentium violetur, quo jure illi sancti et inviolabiles sunt.

(2) *Stet hoc*. Supple decretum.

(3) *Pro justitia*. Secundum justitiam.

(4) *Futiles*. Proprie tanquam qui nihil possent continere: Festus. *Futiles dicuntur, qui silere tacenda nequeunt, sed ea effundunt: sic et vasa fictilia a fundendo vocata.*

(5) *Novum*. Alludit ad morem canis canem advenientem odorantis, olfactuque scrutantis, an ille qui a dvenit, sit unus e legatis, qui expectantur, ad Jovem missi.

F A B U L A XVIII.

HOMO ET COLUBRA.

Qui fert malis auxilium, post tempus dolet.
 Gelu rigentem quidam Colubram sustulit (1),
 Sinuque fovit contra se (2) ipse misericors.
 Namque ut refecta est (3), necuit hominem protinus.
 5 Hanc alia quum rogaret causam facinoris,
 Respondit: Ne quis discat prodesse improbis.

F A B U L A XIX.

VULPIS ET DRAGO.

Vulpis tubile fodiens, dum terram eruit,
 Agitque plures altius cuniculos (4),
 Pervenit ad Dragonis speluncam ultimum (5),
 Custodiebat qui thesauros abditos.
 5 Hunc simul aspexit: Oro ut imprudentiae
 Des primum veniam: deinde, si pulchre vides,
 f 3 Quam

(1) *Sustulit*. Adhibet verbum *tollere* a veterum more desumptum, qui, si infantes depositos humi volebant alere, tollebant.

(2) *Contra se*. In perniciem suam.

(3) *Refecta est*. Recreata, cum paullo ante pene mortua esset.

(4) *Cuniculos*. *Cuniculi* sunt subterranei meatus, ita dicti a cuniculis sub effossa terra latitare solitis.

(5) *Ultimum*. Ultimo, tandem. Alii *ultimam* legunt pro ultima speluncae parte.

- Quam non conveniens aurum sit vitae meae,
 Respondeas clementer. Quem fructum capis
 Hoc ex labore, quodve tantum est praemium,
 10 Ut careas somno, et aevum in tenebris exigas?
 Nullum, inquit ille; verum hoc a summo mihi
 Jove attributum est (1). Ergo nec sumis tibi,
 Nec ulli donas quicquam? Sic fatis placet (2):
 Nolo irascaris, libere si dixerō:
 15 Diis est iratis natus (3), qui est similis tibi.
 Abiturus illuc (4), quo priores abierunt,
 Quid mente caeca miserum torques spiritum?
 Tibi dico, avare gaudium heredis tui,
 Qui thure superos, ipse te fraudas cibo?
 20 Qui tristis audis musicum citharae sonum;
 Quem tibiarum macerat jucunditas,
 Opsoniorum pretia (5) cui gemitum exprimunt;
 Qui dum quadrantes aggeras patrimonio,
 Coelum fatigas sordido perjurio,
 25 Qui circumcidis omnem impensam funeris,
 Libitina (6) ne quid de tuo faciat lucrum.

FA-

(1) *Attributum est.* Impositum est.

(2) *Sic fatis placet.* Diis sic visum est; qui hoc mihi attribuerunt.

(3) *Diis iratis.* Inimicis, adversantibus diis.

(4) *Abiturus illuc.* Abire hic pro mori. Sic enim dicebant veteres ad vitandum ominosum mortis nomen.

(5) *Opsoniorum.* Sunt *opsonia*, quae pane vescenda dantur; *pretia* vero pecuniae illis emendis impendendae.

(6) *Libitina.* Dea funerum erat. Illos vero intellige, qui in templo ejus, quae ad funus essent necessaria, vendebant.

FABULA XX.

PHAEDRUS.

Quid judicare cogitet livor (1), modo (2)
 Licet dissimulet, pulchre tamen intelligo.
 Quidquid putabit esse dignum memoriae (3)
 Aesopi dicet: si quid minus adriserit,
 5 A me contendet fictum quovis pignore (4).
 Quem volo refelli (5) jam nunc responso meo:
 Sive hoc ineptum, sive laudandum est opus;
 Invenit ille (6), nostra perfecit manus.
 Sed exequamur (7) coeptum propositi ordinem.

f 4

FA-

(1) *Livor*. Pro homine livido, et maligno.

(2) *Modo*. *Etiam* non statim significat.

(3) *Memoriae*. Hellenismus pro *memoria*. Sic plures veterum loquuti sunt. Infra tamen Prol. lib. 5. *Dignum longa memoria*.

(4) *Contendat quovis pignore*. Sic Catul. *Quovis Sabinum pignore esse contendam*. Virgilius in *Bucolicis certare pignore* eodem significatu dixit.

(5) *Refelli*. Refutari: sic *refellere testem* est aliquid contra ejus dicta allegare.

(6) *Invenit ille*. Aesopus.

(7) *Exequamur*. Ea vox hic, ut alias saepissime, perficere, explere significat.

F A B U L A XXI.

NAUFRAGIUM SIMONIDIS.

Homo doctus (1) in se semper divitias habet.
 Simonides, qui scripsit egregium melos (2),
 Quo paupertatem sustineret facilius,
 Circumire (3) coepit urbes Asiae nobiles,
 5 Mercede pacta (4) laudem victorum canens (5).
 Hoc genere quaestus postquam locuples factus est,
 Venire in patriam voluit cursu pelagio (6);
 (Erat autem natus, ut ajunt, in Ceo insula (7))
 Ascendit navem, quam tempestas horrida,

10 Si-

(1) *Homo doctus*. Egregie in hanc Phaedri sententiam Comicus Graecus

Καλλίον ἰσι κτήμα παιδεία βροτοῖς

Doctrina quavis pulchrior possessio.

(2) *Egregium melos*. Hunc scriptorem maximi semper fecit Plato, tum carminis bonitate, tum sapientiae praestantia. Luculenta aliquot ejus fragmenta inter Lyricorum reliquias leguntur.

(3) *Circumire*. Proprie de iis, qui incerto atque instabili vitae genere utuntur, ut fere mendici, *Circumire urbes*, est ire circum urbes, ut *ducere circum quaestus* supra dixit Fab. 1.

(4) *Mercede pacta*. Veteres tradiderunt Simonidem quaestum in artem induxisse, eamque in rem finxisse duo penes se esse scrinia, unum gratiarum, alterum mercedis. Ita Suidas. De avaritia Simonidis nonnulla Aristoteles lib. III. Rhetoric.

(5) *Laudes victorum canens*. In ludis Olympicis.

(6) *Cursu pelagio*. Cursu pelagi; *Cursus* proprie de navigatione dicitur; licet quoque de vehiculo dicatur.

(7) *In Ceo insula*. Unde illud Horatii. *Cee retracts munera neniae*; idest Simonideae, cui θρήνη seu lamentationes nomen erat.

- 10 Simul et vetustas medio dissolvit (1) mari.
 Hi zonas (2), illi res pretiosas colligunt,
 Subsidium vitae. Quidam curiosior (3),
 Simonide, tu ex opibus nil sumis tuis?
 Mecum, inquit, mea (4) sunt cuncta. Tum pauci
 enatant
 15 Quia plures onere degravati perierunt.
 Praedones adsunt, rapiunt, quod quisque extulit,
 Nudos relinquunt. Forte Clazomene prope
 Antiqua fuit urbs, quam petierunt naufragi,
 Hic litterarum quidam studio deditus,
 20 Simonidis qui saepe versus legerat,
 Eratque absentis admirator (5) maximus,
 Sermone ab ipso cognitum, cupidissime
 Ad se recepit; veste, nummis, familia
 Hominem exornavit: ceteri tabulam suam
 25 Portant (6), rogantes victum; quos casu obviis
 Simonides ut vidit. Dixi, inquit, mea
 Mecum esse cuncta: vos quod rapuistis, perit.

FA-

(1) *Dissolvit*. Fregit: proprie de navibus tempestate fractis.

(2) *Zonas*. In quibus conditam gestabant pecuniam.
 Hor.: *Ibit eo, quo vis qui zonam perdidit, inquit*.
 Hinc illud apud Matthaeum c. 10. *Nolite possidere aurum, atque argentum, neque pecuniam in zonis vestris*.

(3) *Curiosior*. *Curiosi* vocantur, qui sunt solliciti de aliis. Ita Plaut. Stich.

Sed curiosi sunt hic complures mali

Alienas res, qui curant studio maximo.

(4) *Mecum mea*. Hinc saepius laudata illa Philosophi sententia: *Omnia mea mecum porto*.

(5) *Absentis admirator*. Sic Tac. lib. i. *Annal. Major e longinquo reverentia*.

(6) *Tabulam suam portant*. Naufragi, quod ex Juvenali quoque discimus: stipem ostiatim corrogare solebant in tabula quadam depictum exhibentes naufragi sui casum, commiserationis commovendae gratia.

FABULA XXII.

MONS PARTURIENS.

Mons parturibat (1), gemitus immanes ciens,
 Eratque in terris maxima expectatio.
 At ille murem peperit. Hoc scriptum est tibi,
 Qui, magna quum minaris (2), extricas nihil (3).

FABULA XXIII.

FORMICA ET MUSCA.

Formica, et musca contendebant acriter,
 Quae pluris esset (4). Musca sic coepit prior;
 Conferre nostris tu potes laudibus?
 Ubi immolatur (5), exta praegusto (6) Deum.
 5 Mo-

(1) *Mons parturibat*. *Parturire* est partu laborare
 Notissimi vero sunt in hanc rem Horatii versus.

Quid dignum tanto feret hic promissor hiatus?
Parturient montes, nascetur ridiculus mus.

(2) *Minaris*. *Minari* hic pro *polliceri*. Hor.

Atqui vultus erat multa et praeclara minantis.

(3) *Extricas nihil*. Hoc idem est, quod Terentius exprimit.
Qui magno conatu magnas nugas agunt.

(4) *Quae pluris esset*. Supple pretii.

(5) *Ubi immolatur*. Absolute. *Immolari* dicebatur
 victima cum mola salsa, quae ex farre et sale constabat,
 conspergebatur.

(6) *Extas praegusto*. Extas animalium viscera diis
 immolanda. Ea autem inspicere solebant *Haruspices*,
 ut futura praenoscerent. Hinc haruspices ab extis inspi-
 ciendis *extispices* dicti sunt, et *extispicium*, quod
 alio nomine *haruspicium* et *haruspicina* dicitur.

Liber Quartus.

- 5 Moror inter aras, templa, perlustro omnia (1)
 In capite regis sedeo, quum visum est mihi,
 Et matronarum casta delibo oscula (2);
 Laboro nihil, atque optimis rebus fruor.
 Quid horum simile tibi contigit, rustica?
 10 Est gloriosus sane (3) convictus deum (4);
 Sed ille qui invitatur (5) non qui invisus est.
 Reges commemoras, et matronarum oscula (6),
 Ego granum (7) in hiemem quum studiose congero,
 Te circa murum video pasci stercore.
 15 Aras frequentas; nempe ambigeris (8), quo venis:
 Nihil laboras, ideo quum opus est, nihil habes.
 Superba jactas, tegere quod debet pudor;

Aesta-

(1) *Perlustro omnia*. Inspicio.

(2) *Delibo*. *Delibare*, inquit Servius ad illud Virgilii.

Summaque per galeam delibans oscula fatur.

Est summum osculum dare non pressum sed summa labella contingens.

(3) *Est sano*. Formicae responsum.

(4) *Convictus*. Convictus usurpatur de iis, qui eadem mensa utuntur.

(5) *Qui invitatur*. Venusta sane antanaclassis inter illa duo verba *invitatur* et *invisus*.

(6) *Matronarum*. Matronae potius, quam mulieris vel puellae vocabulo usus est. *Matrona* enim spectatae honestatis ac pudicitiae mulierem significat.

(7) *Granum*. Per *granum* frumentum intellige, quod formica in hyemen recondit. Hinc *granaria*, ubi frumenta condebantur, primum dicta.

(8) *Abigeris*. Expelleris. Alio porro sensu apud Juris consultos *abigi greges* et *armenta* dicuntur, scilicet cum furto vel latrocinio avertuntur. Unde *abigei*, *abactores*, et *abigeatores* hujusmodi fures in jure dicuntur, et ipsum crimen *abigeatus* descendit.

Aestate me laccessis; quum bruma est, siles:
 Mori contractam (1) quum te cogunt frigora,
 20 Me copiosa (2) recipit incolumem domus.
 Satis profecto rettudi superbiam.
 Fabella talis hominum discernit notas (3)
 Eorum, qui se falsis ornant laudibus,
 Et quorum virtus exhibet solidum decus.

FABULA XXIV.

SIMONIDES A DIIS SERVATUS.

Quantum valerent inter homines litterae,
 Dixi superius: quantus nunc illis honos
 A superis sit tributus, tradam memoriae.
 Simonides idem ille, de quo rettuli,
 5 Victoris laudem cuidam (4) pyctae ut scriberet,
 Certo conduxit (5) pretio, secretum petit.
 Exigua quum frenaret (6) materia impetum,
 Usus

(1) *Mori contractam*. Muscae vita brevissima. Ita Lucianus. Dicit *contractam* scilicet inertem, et ad volandnm inhabilem frigore factam.

(2) *Copiosa*. Omni rerum copia instructa.

(3) *Notas*: Signa, indicia, characteres.

(4) *Cuidam*. Nomine *Scopas* homini fortunato ac nobili Cranone in Thessalia nato. *Victoris*. *Victori* legendum putat Gronov. *Pyctae*, idest pugili coronato.

(5) *Conduxit*. Velut quidam operis redemptor: unde mox sequitur, *Opus adprobavit*: quod genus loquendi ex usu Juris mutuatus est Phaedrus; ut et alia plura. Nonnulli legunt *condixit*; quod verbum significat *pro-mittere petenti*. Conductor rei locatori opponitur.

(6) *Exigua quum frenaret*. Materia cohiberet quomni- nus libero impetu posset vagari.

Usus poetae (1), ut moris est, licentia,
 Atque interposuit gemina Ledaë sydera (2)
 10 Auctoritatem similis referens gloriae.
 Opus adprobavit: sed mercedis tertiam
 Accepit partem. Quum reliquum (3) posceret:
 Illi (4), inquit, reddent, quorum sunt laudes duae.
 Verum ne irate dimissum te sentiam,
 15 Ad coenam mihi promitte (5), cognatos volo
 Hodie invitare, quorum es in numero mihi (6):
 Fraudatus quamvis (7), et dolens injuria,
 Ne male dimissam gratiam corrumpere (8),
 Pro-

(1) *Usus Poetae*. Illud praeceptum sequutus, quod inculcat Aristoteles in Topicis, ut si materia sua sterilitate cohibeamur, illuc orationem adducamus, ubi abundare, et a proposito digredientes excurrere liceat. Quod in primis Pindarum et Horatium factitasse scimus.

(2) *Ledaë sidera*. Castorem nempe et Pollucem geminos Ledaë ex Jove filios.

(3) *Reliquum*. Quadrisyllabum, ut supra ostensum est.

(4) *Illi*. Castor et Pollux, de quorum victoria plura interposuerat.

(5) *Ad coenam promitte*. Formula est invitantium: quam Plautus maxime in Maenechemo, et in Stichō utitur: necnon Plinius ep. 13. lib. 1. *Heus te promittis ad caenam, nec venis*.

(6) *Quorum*. Cum olim alicui blandiebantur, patrem, fratrem vocabant. Sic nugator ille adolescens apud Terent., ad captandam servi gratiam: *Tu parens es*: inquit.

(7) *Fraudatus quamvis*. Quamvis justa mercede destitutus.

(8) *Male corrumpere*. Imprudenter, et cum detrimento perderet.

- Phaedri Fabularum*
- 94 Promisit: rediit hora dicta (1), recubuit (2).
 10 Splendebat hilare poculis (3) convivium.
 Magno apparatu laeta resonabat domus (4);
 Repente duo quum juvenes sparsi pulvere,
 Sudore multo diffuentes corpora (5):
 Humanam supra formam, cuidam servulo
 25 Mandant, ut ad se provocet (6) Simonidem,
 Illius interesse ne faciat moram (7):
 Homo perturbatus excitat Simonidem,
 Unum promorat vix pedem triclinio (8)
 Ruina camerae (9) subito oppressit ceteros;
 30 Nec ulli juvenes sunt reperti ad januam,
 Ut est vulgatus ordo narratae rei,
 Omnes scierunt, numinum praesentiam (10).
 Vati dedisse vitam mercedis loco.

FA-

-
- (1) *Hora dicta.* Constituta.
 (2) *Recubuit.* Proprie de conviviis. Sic Hor.
Si potes archaïcis conviva recumbere lectis.
 (3) *Poculis.* Videtur utique in poculis maximus convivi-
 orum splendor ostentari solitus.
 (4) *Resonabat domus.* Similiter nobis apparatus, et
 convivii resonantis laetitiam describit Virg. lib. I. Aen.
..... Fit strepitus tectis.
 (5) *Diffuentes corpora.* Graecismus, uti apud Virg.
Os humerosque Deo similis.
 (6) *Provocat.* E convivio vocet.
 (7) *Ne faciat moram.* Ne differat prodire foras.
 (8) *Triclinio.* A tribus lectis dictum primo *tricl-*
nium: tum locus et conclave significatum est, in quo
 vocati discumbebant.
 (9) *Camera.* Ea vox testudinem notat. *Camerae* vero
 apud antiquos sunt tecta arcuata sive ex lapide, sive
 ex contignatione essent.
 (10) *Numinum praesentiam.* Castoris nempe ac Pol-
 lucis.

FABULA XXV.

POETA.

Supersunt mihi quae scribam, sed parco (1)
sciens;

Primum tibi esse ne videar molestior,

Distringit (2) quem multarum rerum varietas:

Dein si quis eadem forte conari velit,

5 Habere ut possit aliquid operis residui (3):

Quamvis materiae tanta abundet copia,

Labori faber ut desit, non fabro labor.

Brevitati nostrae (4) praemium ut reddas, peto,

Quod es pollicitus. Exhibe vocis fidem (5)

10 Nam vita morti propior est quotidie:

Et hoc minus usu veniet ad me muneris

Quo plus consumet temporis dilatio.

Si cito rem perages, usus fiet longior:

Fruar diutius, si celerius coepero,

Languentis aevi (6) dum sunt aliquae reliquiae,

Auxilio locus est: olim senio debilem

Frustra adjuvare bonitas nitetur tua,

Quum jam desierit esse beneficio utilis,

Et

(1) *Sed parco.* Scribere.

(2) *Destringit.* Rerum multitudine *destringi* idest impediri.

(3) *Operis residui.* Quod ego reliqueram.

(4) *Brevitati nostrae.* Grata enim semper est breviloquentia.

(5) *Exhibe vocis fidem.* Idest, praesta, inquit Phaedrus, ipso opere, quod voce ac sermone promisisti. *Exhibere fidem* in jure vulgare est.

(6) *Languentis aevi.* Deficientis.

- Et mors vicina flagitabit (1) debitum.
 20 Stultum admovere tibi preces sexcenties,
 Proclivis ultro quum sit misericordia.
 Saepe impetravit veniam confessus reus (2);
 Quanto innocenti justius debet dari?
 Tuae sunt partes (3), fuerunt aliorum prius,
 25 Dein simili gyro venient aliorum vioces.
 Decerne (4) quod religio, quod patitur fides,
 Et gratulari me fac iudicio tuo.
 Excedit animus, quem proposuit terminum,
 Sed, difficulter continetur spiritus (5),
 30 Integritatis (6) qui sinceræ conscius,
 A noxiorum premitur insolentia (7),

Qui

(1) *Flagitabit*. Instantius exigit: et proprie de ex-actoribus usurpatur.

(2) *Confessus reus*. Nam erranti medicina confessio est: atque ut ille ait: *Proximum ad innocentiam tenet locum verecunda peccati confessio*. Atque hic passivo sensu is innuitur, qui manifestæ reus est. Sic apud Cic. *confessa res, et manifesta*.

(3) *Tuæ sunt partes*. Hujus officii.

(4) *Decerne*. *Decernere est* in jure causa cognita aliquid statuere: atque hinc *decretum* dicitur, quod statuitur ac pronuntiatur.

(5) *Spiritus*. Illa nimirum vehemens commotio ob injuriam acceptam.

(6) *Integritatis*. Ad illud sapientissimum Sophoclis alludit.

Ζὺς τῶ δίκαιῳ γὰρ μὴ ἐξέτι φρονεῖ.

Iusta causa spiritum attolli jubet.

(7) *Insolentia*. Maxime Sejani, quem sibi accusatorem, testem, ac judicem simul fuisse conquerebatur. Quanta autem hujus potentia fuerit aliquandiu in aula Tiberii Imperatoris ex Josepho lib. 18 notum est.

Qui sint requires (1) ; apparebunt tempore.

Ego quondam legi quam puer sententiam :

Palam mutire plebejo periculum est (2)

35 Dum sanitas (3) constabit ; pulcre meminero.

(1) *Requires*. Scire desideras.

(2) *Periculum*. Faber restituendum putat *piaculum* pro *periculum*: nam ita integer versus Ennii apud Festum legitur :

Palam mutire plebejo piaculum est.

(3) *Sanitas*. Hic absolute pro ratione ponitur. Sic Cic.: *quibus ad sanitatem redeundi potestas facta est.*

LIBER QUINTUS.

POETA.

Quum destinassem operis habere terminum ,
 In hoc (1) ut aliis esset materiae satis ,
 Consilium tacito corde damnavi (2) meum :
 Nam si quis talis etiam est tituli (3) artifex ;
 5 Quo pacto divinabit quidnam omiserim ,
 Ut illud ipsum cupiam famae tradere ;
 Sua cuique quum sit animi cogitatio ,
 Colorque proprius (4) ? Ergo non levitas (5) mihi ,
 Sed certa ratio causam scribendi dedit .
 10 Quare , Particulo (6) , quoniam caperis fabulis (7) ,
 Quas Aesopeas , non Aesopi nomino ,

Pau-

(1) *In hoc*. Nota locutio juris maxime scriptoribus ; ac idem est , atque *ad hoc* , *hoc fine* . Columel. lib. 7. c.8. *Cratibus in hoc factis , ita ordinantur , ne alter alterum contingat*.

(2) *Damnavi* . Repudiavi consilium , quod primum intenderam.

(3) *Tituli*. Titulum intelligit hic genus fabulas scribendi.

(4) *Colorque proprius* . Sua cuique indoles , suum ingenium , sua scribendi ratio.

(5) *Levitas*. Resiliendi a proposito , et mutandi consilium.

(6) *Particulo*. Nomen h'c proprium : alias *particulae dicti sunt coheredes* , quod partes patrimonii sumant ; inquit Nonius.

(7) *Caperis fabulis* . Capi hic delectari significat , uti supra in Prol. lib. II. *Dum capiat aurem*.

Paucas ostendit ille, ego plures disseram,
 Usus vetusto genere (1) sed rebus novis.
 Quarum libellum dum tu varie perleges,
 15 Hunc obtreectare si volet malignitas (2);
 Imitari dum non possit, obtreectet licet (3).
 Mihi parta laus est, quod tu, quod similes tui
 Vestras in chartas verba transfertis mea,
 Dignumque longa judicatis memoria.
 20 In litterarum (4) ire plausum desidero.

IDEM POETA.

Aesopi nomen sicubi interposuero,
 Cui reddidi (5) jampridem quicquid debui;
 Auctoritatis esse scito gratia;
 Ut quidam artifices nostro faciunt saeculo,
 5 Qui pretium operibus majus inveniunt, novo
 Si marmori adscripserunt (6) Praxitelem (7) suo,
 g 2 My-

- (1) *Vetusto genere*. Antiquo more scribendi.
 (2) *Malignitas*. Sic ante *livor* pro *livido*.
 (3) *Obtreectet licet*. In obtreectatores hic a Phaedro
 descriptos etiam ludit Terent. in Prol. Andr.
 (4) *In litterarum plausum*. Fortasse *litteratum*, idest;
plausum litteratorum promereri cupio.
 (5) *Cui reddidi*. Fabellas enim suas sub Aesopi no-
 mine proposuit.
 (6) *Marmori adscripserunt*. Artifices Graeci, ut quo-
 que nostri, operibus suis nomina adscribebant: non pau-
 ca signa sic inscripta visuntur.
 (7) *Praxitelem*. Marmoreis signis faciendis maximi
 nominis artificem.

Myronem (1) argento. Plus vetustis (2) nam favet (3)
 Invidia mordax, quam bonis praesentibus.
 Sed jam ad fabellam talis exempli feror.

FABULA I.

DEMETRIUS ET MENANDER.

Demetrius (4), qui dictus est Phalereus,
 Athenas occupavit imperio improbo (5).
 Ut mos est vulgi, passim et certatim ruunt:
 Feliciter (6) subclamant. Ipsi principes (7)

5 II-

(1) *Myronem*. Aereis argenteisque signis conflandis nobilem. Nota est ejus bucula ex aere ita ad vivum expressa, ut non gregem modo, sed ipsum pastorem fallere posset.

(2) *Plus vetustis*. Querela hic de iniquitate judiciorum, qua plerique praesentia, et quae ante pedes sunt, fastidiunt; longinqua solum, aut vetusta admirantur, atque in pretio habent.

(3) *Favet*. Minus nocet.

(4) *Demetrius*. Orator et Philosophus fuit; unus ex Theophrasti discipulis. Is tanto in honore apud Athenienses habitus est, ut trecentas statuas meritorum ergo ab illis acceperit.

(5) *Improbo*. Contra leges.

(6) *Feliciter*. Sollemnis adclamandi formula, qua maxime ad duces e bello redeunt, nonnunquam in alios, quibus bene vellent, veteres utebantur. Vide Brissonium de Formulis.

(7) *Ipsi principes*. Praecipui cives, uti apud Nepot. in Cimone: *principes Atheniensium*.

- 5 Illam osculantur (1), qua sunt oppressi, manum,
 Tacite gementes (2) tristem fortunae vicem.
 Quin etiam resides et sequentes otium,
 Ne defuisse noceat (3), reptant ultimi (4);
 In quibus Menander (5), nobilis comoediis,
 10 Quas ipsum ignorans, legerat Demetrius,
 Et admiratus fuerat ingenium viri;
 Unguento delibutus, vestitu adfluens (6),
 Veniebat gressu delicato (7) et languido.
 Hunc ubi tyrannus vidit extremo agmine:
 15 Quinam comoedus ille in conspectu meo
 Audet venire? Responderunt proximi:
 Hic est (8) Menander scriptor. Mutatus statim.

(1) *Illam osculantur*. Notat antiquum reges, ac praecipue tyrannos adorandi morem, quo manus osculabantur.

(2) *Tacite gementes*. Non ausi palam dolere de immutato reipublicae statu.

(3) *Ne defuisse noceat*. Scilicet officio.

(4) *Reptant ultimi*. Lento gradu accedunt.

(5) *Menander*. Diopithis, et Hegesistrates filius, de quo multus est apud omnes rumor. Novae comoediae poeta. Strabonis quidem oculis, sed acuto ingenio scripsit comoedias CVIII. Ita ex Suida Freinsem.

(6) *Vestitu adfluens*. Vestitu fluxiore, qualis olim erat delicatiorum et beatulorum. Hinc *εὐμα* apud Graecos, id est tractus in re vestiaria: quin *fluxus* pro mollitie sumitur.

(7) *Gressu delicato*. Molli et effoeminato: quod *κίχλασμιμος βυδίζω* dicunt Graeci.

(8) *Hic est*. Ita Persius Sat. I. v. 29.

At pulchrum est digito monstrari, et dicier hic est.
 Notum quoque illud de Demosthene: *Hic est ille Demosthenes*.

FABULA II.

VIATORES ET LATRO (*)

*Viam expediti pariter carpebant duo ;
 Imbellis alter , alter at promptus manu.
 Occurrit illis latro , et intentans necem
 Aurum poposcit. Audax confestim irruens
 5 Vim vi repellit , ac ferro incautum occupat ,
 Et vindicavit sese forti dextera.
 Latrone occiso , timidus accurrit comes ,
 Stringitque gladium , dein rejecta penula (1) :
 Cedo (2) , inquit , illum , jam curabo sentiat ,
 10 Quos adtentarit (3). Tunc qui depugnaverat (4)
 Vellem istis verbis saltem adjuvisses modo ,
 Constantior fuisset , vera existimans :*

Nunc

(*) Hanc ἀνιφαντος apologum supplevit nescio quis quinque versiculis haud sane inelegantibus , quos in gratiam tyronum duximus apponendos.

(1) *Rejecta penula.* Veste peculiari eorum , qui faciebant iter pluvio tempore , cum pileo a tergo forma cuculli. *Rejecta* , idest remissa ad tergum ne brachium manusve impediret. Conficiebatur penula ex corio , vel coacta lana . Hinc *penulam scortum* appellat Martialis: pellem enim *scortum* antiqui dicebant.

(2) *Cedo.* Donatus ad illud Terent. And. IV. 4. *Cedo , cujus puerum hic apposuistis ?* ait : *Cedo idem significat , quod dic , et da mihi.*

(3) *Quos adtentarit.* Quales et quantos aggressus sit.

(4) *Qui depugnaverat.* Idest qui pugnando prostrato hoste certamen finierat. Licet apud Horat. lib. II. c. 1. *depugnare* idem sit ac *pugnare* , et scribendo manum conserere.

Nunc conde ferrum, et linguam pariter futilem (1),
 Ut possis alios ignorantes fallere.

15 Ego, qui sum expertus quantis fugias viribus,
 Scio quod (2) virtuti non sit credendum tuae.

Illi adsignari debet haec narratio,

Qui re secunda fortis est, dubia fugax.

FABULA III.

CALVUS ET MUSCA.

Calvi momordit musca nudatum caput,
 Quam opprimere captans (3), alapam (4) sibi duxit
 Tunc illa irridens: Punctum (5) volucris par-
 vulae (6)
 g 4 Vo-

(1) *Futilem*. Refertur etiam ad *ferrum*. *Ferrum futile* idest quod ad speciem gestatur, neque usum habet.

(2) *Scio quod*. Hanc locutionem, ut parum latinam ab aliis impugnata probat Faber, et cum eo Vossius, Scioppius, et ad Sanctii Minervam Perizonius. Ceterum Gronovius legit: *Scio quam virtuti* etc. Gudius vero: *scio quid virtuti sit credendum*, (idest tribuendum) *tuae*.

(3) *Captans*. Quaerens.

(4) *Alapam*. Sibi magnum colaphum inflixit. Hoc etiam modo *colaphum ducere* dixit Quintilianus. Patet hinc non in faciem solum alapam dari. *Alápa* enim latinae, Graece *κολαπή* pro quovis ictu sumitur manu inflicto sive capiti, sive genis palma vel pugno.

(5) *Punctum*. Pro punctione.

(6) *Volucris parvulae*. Musca licet insecti genus, recta *volucris* dicitur a *volando*.

Voluisti morte ulcisci: quid facies tibi;

5 Injuriae qui addideris contumeliam?

Respondit: Mecum facile redeo in gratiam (1)

Quia non fuisse mentem laedendi scio:

Sed te, contempti generis animal improbum (2),

Quae delectaris bibere humanum sanguinem,

10 Optem necare vel majore incommodo.

Hoc argumento veniam tam dari decet

Qui casu peccat, quam qui consilio est nocens (3);

Illum (4) esse quamvis poena dignum iudico.

FA-

(1) *Redeo in gratiam.* Mihi facile ignosco: nemo enim sibi ipse proprie loquendo injuriam facere potest. Videtur itaque hic Phaedrus injuriam a contumelia sejungere: quae ut differant, ex Pacuviano illo versu docemur.

Facile patior injuriam, quae est vacua a contumelia.

(2) *Animal improbum.* Muscae improbitas et impudentia in proverbium abiit: illa enim intrepide et homines aggreditur, et aegre abigi potest.

(3) *Consilio.* Animo deliberato peccat.

(4) *Illum.* Refer ad proximum, illum scilicet, qui animo parato nocet.

F A B U L A IV.

HOMO ET ASINUS.

Quidam immolasset Verrem (1) quum sancto Herculi (2),

Cui pro salute votum debebat (3) sua,
Asello jussit reliquias poni hordei.

Quas aspernatus ille, sic locutus est :

5 Tuum libenter prorsus adpeterem cibum,
Nisi qui nutritus illo est, jugulatus foret.

Hujus respectu (4) fabulae deterritus
Periculosum (5) semper vitavi lucrum.

Sed

(1) *Verrem*. Victimam Herculi devotam, ob devictum ab ipso aprum Erymanthaeum, quem vivum humeris sustulisse dicitur.

(2) *Sancto Herculi*. Inter Deos adscripto, vel quod Hercules proprie *Sanctus Pater* dictus est. Ita Propertius Herculem alloquens :

*Sancte Pater salve, cui jam favet aspera Juno.
Sancte velis libro dexter adesse meo.*

Et apud Gruterum.

SANCTISSIMO HERCULI INVICTO et alibi ER-
CULI SANCTISS. INVICTO SACR.

(3) *Votum debebat*. Quod scilicet pro salute sua nuncupaverat. *Nuncupare* vero *vota* idem est; ac concipere; facere vota.

(4) *Hujus respectu*. Intuitu. Sic Livius; *respectu Romanorum*. Eodem modo apud Juris consultos usurpatur: ut *respectu dignitatis* idest contemplatione.

(5) *Periculosum lucrum*. De turpibus, et injustis intellige: de quibus illud Hesiodi

Μη κακὰ κερδαίνεις, κακὰ κέρδη ἐστ' ἀνθρώποις

Ne male lucreris, mala lucra aequalia damnis.

- Sed dices : Qui rapuere divitias, habent.
 10 Numeremus agendum, qui deprehensi perierunt;
 Majorem turbam punitorum reperies
 Paucis teneritas est bono (1), multis malo.

FABULA V.

SCURRA ET RUSTICUS.

- Pravo favore labi mortales solent;
 Et pro judicio (2) dum stant erroris sui
 Ad poenitendum rebus manifestis agi.
 Facturus ludos quidam dives nobiles,
 5 Proposito cunctos invitavit praemio (3).
 Quam quisque posset, ut novitatem ostenderet (4).
 Venere artifices laudis ad certamina;
 Quos inter scurra notus urbano sale (5),
 Habere dixit se genus spectaculi,
 10 Quod in theatro nunquam prolatum foret.

Di-

(1) *Bono*. Commodo, utilitati.

(2) *Pro judicio*. Idest pro errore dum stant iudicii sui, juxta Phaedri consuetum loquendi morem *Stare* autem *pro judicio* est tueri ac defendere iudicium: uti apud Terent. *Stare pro aliquo* idem ac partes aliqujus tueri: *Stare* vero et *sedere* sunt verba forensia hoc iudicum, illud advocatorum.

(3) *Proposito praemio*. Proprio. Hinc ipsi ludi, in quibus praemia proponebantur *ἐπαινοὶ ἀγωνῆς* dicti.

(4) *Novitatem*. Sic appellat nova inventa. Ita Hor. *Illecebris erat, et grata novitate morandus*

Spectator, functusque sacris, et potus, et exlex
 (5) *Urbano sale*. *Sal* vel *sales urbani* joci facetiae quae dicuntur civitati gratissimae.

- Dispersus rumor civitatem concitat (1),
 Paulo ante vacua turbam deficiunt loca (2).
 In scena vero postquam solus constitit,
 Sine apparatu nullis adjutoribus (3),
 15 Silentium ipsa fecit expectatio.
 Ille in sinum repente demisit caput,
 Et sic porcelli vocem (4) est imitatus sua;
 Verum ut subesse pallio contenderent,
 Et excuti juberent: quo facto, simul
 20 Nihil est repertum, multis onerant laudibus,
 Hominemque plausu prosequuntur maximo.
 Hoc videt fieri rusticus: Non mehercule
 Me vincet, inquit: et statim professus est
 Idem facturum melius se postridie.
 25 Fit turba major; jam favor mentes tenet (5):
 Et derisuri, non spectaturi sedent.
 Uterque prodit: Scurra digrunnit prior (6),

Mo-

(1) *Civitatem concitat*. Convocat. Sic supra Lib. 4 Fab. 4 verbo *excitare* usus est, pro eo quod est evocare.

(2) *Deficiunt loca*. Desunt turbae loca.

(3) *Adjutoribus*. Qui operae scenicae adjutores vocabantur. Quod Suetonii auctoritate firmari potest lib. de Cl. Gram., cum de L. Crassitio loqueretur. *Hic initio circa scenam versatus est, dum mimographos adjuvat*.

(4) *Porcelli vocem*. Plutarchus lib. de Aud. Poet. Parmenionis cujusdam meminit, qui porcelli instar digrunniret.

(5) *Tenet*. Favor in scurram adeo occupatas habuit multitudinis mentes, ut adempta esset eis omnis libertas judicandi. Ita artificum pictura oculos tenere dicitur apud Plinium in Epistolis.

(6) *Digrunnit*. Porcorum est grunnaire.

- Movetque plausus (1), et clamores suscitât (2).
 Tunc simulans sese vestimentis Rusticus
 30 Porcellum obtegere, quod faciebat scilicet (3).
 Sed in priore quia uis compererant, lateus,
 Pervellit aurem vero, quem celaverat,
 Et cum dolore vocem naturae exprimit.
 Adclamat (4) populus: Scurram multo similis
 35 Imitatum; et cogit Rusticum trudi foras.
 At ille profert ipsum porcellum e sinu,
 Turpemque aperto (5) pignore errorem probans;
 En hic declarat, quales sitis iudices.

P O E T A.

Adhuc supersunt multa, quae possim loqui (6),
 Et copiosa abundat rerum varietas,
 Sed temperatae suaves (7) sunt argutiae:
 Immodicae offendunt. Quare, vir sanctissime (8)

5 Par-

(1) *Movet plausus*. Multitudinem commovet ad edendos plausus manibus: sic et olim solebant facere, cum aliquid adprobarent.

(2) *Clamores suscitât*. *Tollere clamorem*, et *clamores facere* idem prope sonant.

(3) *Scilicet*. Particula rem confirmantis.

(4) *Adclamat*. Schefferus: *at clamat populus*. Verum indubium est quin *adclamare*, et *adclamatio* proprie de turba usurpetur, quae cum plausu alicui gratulatur.

(5) *Aperto*. Scilicet claro. *Pignus* vero notat argumentum certissimum. Ita Curtius: *Nullum erga me benevolentiae pignus, atque indicium omisit*.

(6) *Quae possim loqui*. Scribere.

(7) *Sed temperatae suaves*. Ita Terent. Andr. 1.

. *Ita arbitror*

Adprime in vita esse utile, ne quid nimis.

(8) *Vir sanctissime*. Integerrime.

- 5 Particulo, chartis nomen victurum meis (1),
 Latinis dum manebit pretium litteris,
 Si non ingenium, certe brevitatem (2) adproba,
 Quae commendari tanto debet justius,
 Quanto poetae sunt molesti validius.

FABULA VI.

DUO CALVI.

- Invenit Calvus forte in trivio pectinem (3):
 Accessit alter, aequae defectus pilis (4);
 Heia, inquit, in commune (5) quodcunque est lucri.
 Ostendit ille praedam (6), et adjecit simul:
 5 Superum voluntas favit (7), sed fato invido (8):
 Car-

(1) *Nomen victurum*. Hoc loco *vivere*, ut passim usurpatur apud scriptores, est immortalis gloria, et memoria vigere.

(2) *Brevitatem*. Commendat brevitatem contra nonnullos poetas in scribendis, recitandisque carminibus verbositate importunissimos.

(3) *Pectinem*. Nihil iis, qui calvi sunt, inutilius quam pecten. Hinc calvae olim mulieres Veneri pectines, tanquam sibi inutiles dedicabant.

(4) *Defectus pilis*. Supra *defectus annis*.

(5) *In commune*. Supple. *confer*: quod verbum brevitate gratia omittitur. Erat porro formula sollemnis, qua utebantur veteres, si quis quid alium invenisse viderat in publico.

(6) *Praedam*. Notandum hoc nomen de re inventa, eleganter usurpari.

(7) *Voluntas favit*. Nam ista etiam a diis dicebant dari.

(8) *Invido*. Iniquo, non favente.

Carbonem (1), ut ajunt, pro thesauro invenimus.
Quem spes delusit, huic querela convenit.

FABULA VII.

PRINCEPS TIBICEN.

Ubi vanus animus, aura captus frivola (2),
Arripuit insolentem sibi fiduciam (3),
Facile ad derisum stulta levitas ducitur.
Princeps (4) tibicen notior paulo fuit,
Operam Bathyllo solitus (5) in scena dare.
Is forte ludis, non satis memini quibus,
Dum pegma rapitur (6), concidit casu gravi
Nec opinans, et sinistram fregit tibiam,

Duas

(1) *Carbonem*. Id est rem nobis nulli usui futuram. *Carbonem pro thesauro invenire* proverbii loco erat, atque de iis dicebatur, qui spe sua frustrabantur.

(2) *Aura captus frivola*. Vulgi favore levi.

(3) *Sibi fiduciam*. Eleganter abundat vocula *sibi*, uti saepe apud scriptores, sic *otium mihi sumo*. Cic.

(4) *Princeps*. Nomen proprium, *Principis* Grammatici meminit Svetonius de Illustribus Grammaticis.

(5) *Operam Bathyllo*. Inflare tibias solitus, ad quas Bathyllos mimus saltaret. Vixit hic Bathillus tempore Augusti.

(6) *Dum pegma rapitur*. Erant proprie in theatris *pegmata* artificiosae quaedam machinae e tabulis, et sublimis compactae, quae occultis ponderibus assurgebant, et rursus subsidebant. Hinc Claudianus.

Mobile ponderibus descendat pegma reductis.

- Duas quum dextras (1) maluisset perdere.
 10 Inter manus sublatus (2), et multum gemens:
 Domum refertur. Aliquot menses transeunt:
 Ad sanitatem dum venit curatio.
 Ut spectatorum mos est, et lepidum genus (3)
 Desiderari coepit, cujus flatibus (4)
 15 Solebat excitari saltantis vigor.
 Erat facturus ludos quidam nobiles,
 Et incipiebat Princeps ingredier (5). Eum
 Adducit pretio, precibus ut tantummodo
 Ipso ludorum ostenderet sese die.
 20 Qui simul advenit rumor de tibicine,
 Fremit in theatro: quidam affirmant mortuum.
 Quidam iu conspectum proditurum sine mora.
 Aulao misso (6) devolutis tonitrubus (7)
 Dii sunt locuti more translatitio (8)

25 Cho.

(1) *Duas quum dextras*. Lusus elegans in voce *tibiis*. Fregit enim tibiam sive crus sinistrum, quum voluisset duas dextras tibiae frangere, quibus scilicet in comoediis faciebat modos, quam unicam illam sinistram.

(2) *Inter manus sublatus*. Ita de Q. Caesone Livius: *Inter manus domum ablatus*.

(3) *Lepidum genus*. Idest lepidi spectatores.

(4) *Flatibus*. Cantibus. Hinc tibicines *flatores* dicti.

(5) *Ingredier*. Pedibus uti.

(6) *Aulao misso*. Idest demisso. Tollebantur autem aulaea in extremo omnibus peractis, cum spectatores dimittebantur. Hinc Horatius in Arte, *aulaea manentem* illum dicit, qui usque ad extremum actum spectatum sedet.

(7) *Devolutis tonitrubus*. Quod fieri solebat saxis post scenam dejectis magno cum fragore.

(8) *More translatitio*. Quo dii transferebantur in scenam per machinas ad id factas: quod fieri solitum, cum fabula in difficilem nodum incidebat. Hinc illud proverbii loco: *E machina Deus*.

- 25 Chorus reducto (1) tunc, et notum canticum
Imposuit, cujus haec fuit sententia :
LAETARE (2) INCOLUMIS ROMA SALVO PRINCIPE.
In plausus consurrectum est (3); jactat basia (4)
Tibicen, gratulari (5) fautores putat.
30 Equester ordo (6) stultum errorem intelligit;
Magnoque risu canticum repeti jubet.
Iteratur illud; homo meus (7) se in pulpito (8)
Totum prosternit; plaudit inludens eques :
Rogare populus hunc coronam (9) existimat.
35 Ut vero cuneis (10) notuit res omnibus,

Prin-

(1) *Reducto*. Idest denuo in theatrum ducto.

(2) *Laetare*. Respicit morem acclamandi principibus.
Ita acceptis de recuperata Germanici valetudine nuntiis
adclamatum legimus: SALVA ROMA, SALVA PATRIA,
SALVUS EST GERMANICUS.

(3) *In plausus consurrectum est*. Assurgebant enim,
et stantes plausus edebant, praesertim si hoc Principis
causa facerent.

(4) *Jactat basia*. Id fiebat manu primum ori admo-
ta, deinde porrecta ad eos, quorum favorem conci-
liare sibi volebant. Apud nos *far de' baciamani*.

(5) *Gratulari*. Absolute pro *gratulari sibi*.

(6) *Equester ordo*. Erat in theatro certus equestri
ordini attributus locus, ex quo spectarent. Hinc illa
sedilia equestria appellat Seneca de Benef. l. VII.

(7) *Homo meus*. Elegantissime illud *meus* usurpat
per commiserationem tantae stultitiae.

(8) *In pulpito*. Ubi canere fabulamque agere sole-
bant personae. Erat quippe in scena *proscenium*, idest
locus ante scenam porrectus, quo actores fabularum
prodirent.

(9) *Coronam*. Praemium certaminis in illo ludo.

(10) *Cuneis*. Theatri sedilibus. *Cunei* vero dicebantur
sedilium ordines, quod in cuneos erant conformati, eo
strictiores, quo propius accedebant ad caveam, quo
altius assurgebant, eo laxiores.

Princeps ligato cruce nivea fascia (1),
Niveisque tunicis (2), niveis etiam calceis,
Superbiens honore divinae Domus (3),
Ab universis capite est protrusus (4) foras.

F A B U L A VIII.

OCCASIO DEPICTA.

Cursu volucris (5) pendens (6) in novacula (7),
Calvus, comosa fronte, nudo corpore,
Quem si occuparis (8) teneas: clapsum semel
Non ipse possit Jupiter reprehendere (9);
Occasionem rerum significat brevem.

Effectus impediret ne segnis mora,
Finxere Antiqui talem effigiem temporis.

Tom III.

h

FA-

(1) *Nivea fascia*. Candida; qui color olim relatus est inter regales. Adde quae docuit Barthominus in eruditissimo opusculo de Nive.

(2) *Niveisque tunicis*. Gadius *niveaeque tunica*.

(3) *Divinae Domus*. Augustae.

(4) *Capite est protrusus*. Proturbatus, ac praeceps datus.

(5) *Cursu volucris*. Alatis pedibus.

(6) *Pendens*. Adeo leviter volubili rotae insistens, ut vix eam contingat.

(7) *In novacula*. Male nonnulli exponunt *tanta velocitate*, ut possit *incedere in novacula*. Melior illorum sententia, qui dicunt in novacula idem esse, atque *cum novacula*. Ita Virgilius V. *Horridus in jaculis*; et XI.

Infelix fugit in iaculo stridente Camilla.

(8) *Quem si occuparis*. Si inopinantem praevenieris.

(9) *Reprehendere*. Detinere.

F A B U L A IX.

TAURUS ET VITULUS.

Angusto in aditu taurus luctans cornibus,
 Quum vix intrare posset ad praesepia (1)
 Monstrabat Vitulus quo se pacto plecteret (2):
 Tace, inquit, ante hoc novi, quam tu natus es.
 Qui doctiorem emendat (3), sibi dici putet.

F A B U L A X.

VENATOR ET CANIS.

Adversus omnes fortis veloces feras
 Canis quum domino semper fecisset satis (4),
 Languere coepit annis ingravantibus (5).
 Aliquando objectus hispidi pugnac suis;

5 Adri-

(1) *Praesepia*. Ita dicebantur stabula, in quibus equi, muli, et cetera id genus animalia continentur.

(2) *Plecteret*. Alii *flecteret*. Quod eodem recidit. Vide Schefferum De re vehiculari.

(3) *Qui doctiorem emendat*. Idem docet, quod illud vulgare proverbium: *Sus Minervam*.

(4) *Semper fecisset satis*. Tmesis pro *satisfecisset*.

(5) *Annis ingravantibus*. Puto positum pro *gravantibus*, quum anni eum gravarent, idest ei molestiam afferrent: quomodo apud Virgilium *gravare labor* dicitur. Nam *ingravare* est gravius facere. Ceterum verbum *ingravescere* huic sententiae magis accommodatum foret. Sic Cic. ad Brutum. *Ingravescit in dies malum*.

- 5 Adripuit aurem: sed cariosis dentibus (1),
 Praedam dimisit. Hic tum Venator dolens,
 Canem objurgabat. Cui latrans contra (2) senex:
 Non te destituit animus, sed vires meae.
 Quod fuimus laudas, jam damnas quod non su-
 mus (3).
 Hoc cur, Philete, scripserim, pulcre vides.

h 2

AP-

-
- (1) *Cariosis dentibus*. Prae senectute carie obsitis.
 (2) *Latrans contra*. *Latrantem* pro cane dixit Phae-
 drus, ut supra *auriculam* pro asino; *lanigerum* pro
 agno; *harbatum* pro capro; *sonipedem* pro equo.
 (3) *Damnas, quod non sumus*. Molestie fers, quod
 non illas vires habeamus, quas quondam habuimus.

APPENDIX

FABULARUM

A

MARQUARDO GUDIO

E manuscripto veteri descriptarum.

FABULA I.

* MILVIUS AEGROTANS.

MULTOS quum menses aegrotasset Miluus;
 Nec jam videret esse vitae spem suae (1),
 Matrem rogabat, sancta circumiret loca (2),
 Et pro salute vota faceret maxima.
 Faciam, inquit, fili; sed opem ne non impetrem
 Vehementer vercor; tu (3), qui delubra omnia,
Va-

(*) Non absimilis fabula de corvo aegrotante extat apud Planndem.

(1) *Esse vitae spem suae.* Gudius coniecit legendum *esse vitae spem super*, idest *superesse*. Sic per tinesin in Curculione Plautus.

Si quid super illi fuerit, id nobis sat est.

(2) *Sancta loca* Templum deorum.

(3) *Tu.* Fortasse *nam*.

Vastando, cuncta polluisti altaria,
Sacrificiis (1) nullis parcens, nunc quid vis rogem (2)?

FABULA II.

LEPORES VITAE PERTAE'X.

Qui sustinere non potest suum malum,
Alios inspiciat (3), et discat tolerantiam.

Aliquando (4) in silvis strepitu magno conciti (5)

Lepores clamant, se propter assiduos metus

5 Finire velle vitam. Sic quendam ad lacum

Venerunt, miseri quo se praecipites darent (6).

Adventu quorum postquam ranae territae

Virides in algas misere fugientes ruunt:

Heu, inquit unus, sunt et alii, quos timor

10 Vexat malorum. Ferte vitam ut ceteri.

h 3

FA-

(1) *Sacrificiis*. Vox hoc loco quadrisyllaba.

(2) *Nunc quid vis rogem*. Egregie Cato apud Sallust. Catil. *Non votis, neque suppliciis muliebribus auxilia deorum parantur: vigilando, bene agendo, bene consulendo prospere omnia cedunt.*

(3) *Alios inspiciat*. Vitam aliorum. Ita Terentius in Adelphis:

Inspicere tanquam in speculum in vitas omnium jubeo;

Atque ex aliis sumere exemplum sibi.

(4) *Aliquando*. Quodam tempore. Hoc adverbium tum praeterito, tum futuro servit.

(5) *Conciti*. Perturbati.

(6) *Quo se praecipites darent*. Quo se praecipitent.

FABULA III.

* VULPIS ET JUPITER.

Naturam turpem nulla fortuna obtegit.

- Humanam in speciem quum vertisset Jupiter
 Vulpem; regali *conjur* ut sedit throno,
 Scarabeum vidit prorepentem ex angulo;
 5 Notamque ad praedam ⁽¹⁾ celeri prosiluit gradu ⁽²⁾.
 Superi risere, magnus erubuit pater,
 Repudiatam turpemque conjugem expulit;
 His prosequutus: Vive quo digna es modo,
 Quae nostris uti meritis digne non potes.

FABULA IV.

LEO ET MUS.

Né quis minores laedat, fabula haec monet.

- Leone in silva dormiente, rustici
 Luxuriabant mures, et unus ex iis
 Super cubantem casu quodam transiit.
 5 Expergefactus miserum Leo celeri impetu
 Arripuit; ille veniam sibi dari rogat,

Cri-

(*) Eiusdem fere argumenti est apud Gábriam fabula 16.

(1) *Notamque praedam*. Qua scilicet delectari solebat.

(2) *Celeri prosiluit gradu*. Veloci saltu de throno prosiluit.

- Crimen fatetur, peccatum imprudentiae (1)
 Hoc Rex ulcisci gloriosum non putans,
 Ignovit, et dimisit. Post paucos dies
 10 Leo dum vagatur noctu, in foveam decidit;
 Captum ut se agnovit laqueis, voce maxima
 Rugire coepit (2); cujus immanem ad sonum
 Mus subito accurrens: non est quod timeas, ait,
 Beneficio maguo gratiam reddam parem.
 15 Mox omnes artus (3), artuum et ligamina
 Lustrare coepit (4), cognitosque dentibus
 Nervos rodendo laxat ingenia artuum (5).
 Sic captum mus leonem silvis reddidit.

FA-

(1) *Peccatum imprudentiae*. Idem, quod Cicero ad Attic. vocat *peccatum stultitiae*.

(2) *Rugire coepit*. *Rugitus* vox propria leonis.

(3) *Mox omnes artus*. Hic *artus* sunt laqueorum nodi, ut *articuli* noduli et parvae juncturae. *Articuli sermentorum*. Cic. de Senect. *Articuli segetum* Plin. Hist. Nat.

(4) *Lustrare coepit*. Diligenter inspicere, qua parte rodendo laxari possent.

(5) *Ingenia artuum*. Artificiosum apparatusum nodorum concurrentium, quibus statim implicabatur fera. Ita Plinius in Epistolis *ingenium coenae* dixit pro artificioso apparatu convivii.

F A B U L A V.

HOMO ET ARBORES.

- Pereunt, suis auxilium qui dant (1) hostibus,
 Facta bipenni (2) quidam ab arboribus petit,
 Manubrium (3) ut darent, e ligno, quod foret
 Firmum (4): jusserunt omnes oleastrum dari.
 6 Accepit munus, aptans et manubrium (5)
 Coepit securi magna excidere robora.
 Dumque eligebat quae vellet, sic Fraxino
 Dixisse fertur Quercus: Merito caedimur.

IN-

(1) *Auxilium qui dant.* Sic *consilia qui dant praeva*. Phaedrus.

(2) *Facta bipenni.* *Bipennis* species securis aciem utrinque habentis.

(3) *Manubrium.* Inde dictum, quod manu tenetur. Manubria porro instrumentorum operi ipservientium vel lignea, vel ferrea, vel ossea erant.

(4) *Firmum.* Proprie dicitur de ligno durissimo. Virg. II. Aen. . *Firma cavavit Robora*; quae Plinius vocat *inflexibilia*.

(5) *Aptans et manubrium.* *Aptare facta manubria* est apud Columel. I. XI. 6.

INDEX

128

Phaedri Fabularum.

LIBER I.

PROLOGUS.

FAB. I.	<i>Lupus et Agnus.</i>	pag.	6
II.	<i>Ranae regem petentes.</i>		7
III.	<i>Graculus superbus et Pavo.</i>		9
IV.	<i>Canis per fluvium carnem ferens.</i>		10
V.	<i>Fucca, Capella, Ovis et Leo.</i>		11
VI.	<i>Ranae ad Solem.</i>		12
VII.	<i>Fulpis ad personam tragicam.</i>	ibid.	
VIII.	<i>Lupus et Gruis.</i>		13
IX.	<i>Passer et Lepus.</i>		14
X.	<i>Lupus et Fulpis iudice Simio.</i>	ibid.	
XI.	<i>Asinus et Leo venantes.</i>		15
XII.	<i>Cervus ad fontem.</i>		16
XIII.	<i>Fulpis et Corvus.</i>		17
XIV.	<i>Ex Sutore Medicus.</i>		18
XV.	<i>Asinus ad Senem pastorem.</i>		19
XVI.	<i>Cervus et Ovis.</i>	ibid.	
XVII.	<i>Ovis, Canis et Lupus.</i>		20
XVIII.	<i>Canis parturiens.</i>		21
XIX.	<i>Canes famelici.</i>	ibid.	
XX.	<i>Leo senex, Aper, Taurus et Asinus.</i>		22
XXI.	<i>Mustela et Homo.</i>		23
XXII.	<i>Canis fidelis.</i>	ibid.	

XXIII.

XXIII.	<i>Rana rupta et Bos.</i>	24
XXIV.	<i>Canis et Crocodilus.</i>	25
XXV.	<i>Vulpis et Ciconia.</i>	<i>ibid.</i>
XXVI.	<i>Canis ad thesaurum et Vulturius.</i>	26
XXVII.	<i>Vulpis et Aquila.</i>	27
XXVIII.	<i>Asinus irridens Aprum.</i>	28
XXIX.	<i>Ranae metuentes taurorum praelia.</i>	29
XXX.	<i>Milvius et Columbae.</i>	<i>ibid.</i>

LIBER II.

	AUCTOR.	31
FAB. I.	<i>Juvenus, Leo et Praedator.</i>	32
II.	<i>Homo et Canis.</i>	33
III.	<i>Aquila, Feles et Aper.</i>	<i>ibid.</i>
IV.	<i>Caesar ad Atriensem.</i>	35
V.	<i>Aquila, Cornix et Testudo.</i>	36
VI.	<i>Muli et Latrones.</i>	37
VII.	<i>Cervus et Boves.</i>	38
	EPILOGUS.	39

LIBER III.

	PROLOGUS AD EUTYCHUM.	41
FAB. I.	<i>Anus ad Amphoram.</i>	45
II.	<i>Panthera et pastores.</i>	46
III.	<i>Aesopus et Rusticus.*</i>	47
IV.	<i>Simii caput.</i>	<i>ibid.</i>
V.	<i>Aesopus et Petulans.</i>	48
VI.	<i>Musca et Mula.</i>	49
VII.	<i>Canis et Lupus.</i>	50
VIII.	<i>Frater et Soror.</i>	52
IX.	<i>Socrates ad Amicos.</i>	53

X.

		123
X.	<i>Poeta de credere et non credere.</i>	54
XI.	<i>Eunuchus ad inprobum.*</i>	55
XII.	<i>Pullus ad Margaritum..</i>	ibid.
XIII.	<i>Apes et Fuci, Vespa judica.</i>	56
XIV.	<i>Aesopus ludens.</i>	57
XV.	<i>Canis ad Agnum.</i>	59
XVI.	<i>Cicada et Noctua.</i>	60
XVII.	<i>Arbores in Idecorum tutela.</i>	62
XVIII.	<i>Pavo ad Junonem.</i>	63
XIX.	<i>Aesopus ad Gatrulum.</i>	65
XX.	<i>Asinus et Galli.</i>	66

LIBER IV.

FAB. I.	<u><i>Mustela et Mures.</i></u>	68
II.	<u><i>Vulpis et Uva.</i></u>	70
III.	<u><i>Equus et Aper.</i></u>	ibid.
IV.	<u><i>* Aesopus . . .</i></u>	71
V.	<u><i>Pugna murium et Mustelarum.</i></u>	72
VI.	<u>POETA.</u>	73
VII.	<u><i>Vipera et Lima.</i></u>	75
VIII.	<u><i>Vulpes et Hircus.</i></u>	76
IX.	<u><i>De vitiis hominum.</i></u>	77
X.	<u><i>Fur arum compilans.</i></u>	ibid.
XI.	<u><i>Mulus esse divitias.</i></u>	79
XII.	<u><i>Leo regnans.</i></u>	ibid.
XIII.	<u><i>.... Poenitentia.*</i></u>	80
XIV.	<u><i>Prometheus.*</i></u>	ibid.
XV.	<u><i>Capellae et Hirci.</i></u>	81
XVI.	<u><i>Gubernator et Nautae.</i></u>	ibid.
XVII.	<u><i>Canum legati ad Jovem.</i></u>	82
XVIII.	<u><i>Homo, et Colubra.</i></u>	85
XIX.	<u><i>Vulpis, et Draco.</i></u>	ibid.
XX.	<u>PHAEDRUS.</u>	87
XXI.	<u><i>Naufragium Simonidis.</i></u>	88

XXII.

XXII.	<i>Mons parturiens.</i>	90
XXIII.	<i>Formica, et Musca.</i>	<i>ibid.</i>
XXIV.	<i>Simonides a Diis servatus.</i>	92
XXV.	POETA.	95

LIBER V.

POETA.	99
--------	----

IDEM POETA.	99
-------------	----

FAB. I.	<i>Demetrius et Meander.</i>	100
II.	<i>Viatores et Lutor.</i>	102
III.	<i>Calvus et Musca.</i>	103
IV.	<i>Homo et Asinus.</i>	105
V.	<i>Scurra et Rusticus.</i>	106
	POETA.	108
VI.	<i>Duo Calvi.</i>	109
VII.	<i>Princeps tibicen.</i>	110
VIII.	<i>Occasio depicta.</i>	113
IX.	<i>Taurus et Vitulus.</i>	114
X.	<i>Venator et Canis.</i>	<i>ibid.</i>

INDEX

Fabularum a Gudio allatarum.

FAB. I.	<i>Milvius aegrotans.</i>	116
II.	<i>Lepores vitu●pertaesi.</i>	117
III.	<i>Vulpis et Jupiter.</i>	118
IV.	<i>Leo et Mus.</i>	<i>ibid.</i>
V.	<i>Homo et Arbores.</i>	120

Er. pag. 5	N. <i>Phrigem</i>	Cor. <i>Phrygem</i>
44	N. <i>Phrix</i>	<i>Phryx</i>
62	N. <i>supra docuimus</i>	<i>infra docebimus.</i>
66	N. <i>jocant</i>	<i>jocans.</i>
66	N. <i>indiclinabilem</i>	<i>indeclinabilem.</i>
70	N. <i>Stesichorum</i>	<i>Stesichorum.</i>
73	N. <i>Tragico</i>	<i>tragico.</i>
76	N. <i>copiosus</i>	<i>copiosus.</i>
87	N. <i>esequamur</i>	<i>exequamur.</i>
88	N. <i>carnivis</i>	<i>carminis.</i>
92	N. <i>volandum</i>	<i>volandum.</i>
93	N. <i>ad saenam</i>	<i>ad coenam.</i>

AD 1465476



